

DISSERTATIO INAUGURALIS  
CHIRURGICO-MEDICA

DE

PANARITIO,

QVAM

GRATIOSI MEDICORVM ORDINIS  
AVCTORITATE ET CONSENSV

IN

ACADEMIA GEORGIA AVGVSTA

PRO

GRADV DOCTORIS

MEDICINAE ET CHIRVURGIAE

PVBLCO ERVDITORVM EXAMINI  
SVBMITTIT

AVCTOR

JOH. LVDOLPHVS ALBERTVS  
FOCKE.

HANNOVERANUS.

---

DIE VI. APRILIS MDCCLXXXVI.

---

GOETTINGAE,

TYPIS HENN. MART. GRAFE, ACAD. TYPOGR.

*Vexata in quacunque parte corporis sint, quam-  
primum sic curari debent, ut qua dolor est, ea  
scalpello cutis crebro incidatur, detergeaturque  
eodem averso profluens sanguis, quod si paulo  
tardius subvenitur, jamque etiam rubor est;  
qua rubet corpus: si tumor quoque accessit,  
quaecunque is est, id optimum auxilium est.*

**CELSUS de Medicina Lib. 7. Cap. I.**

osse in disquisitione perioestio suo destituto; post ejus conspectui objectionem, os siccum, & læve & flavum, ceterum nullum ichorem effluentem observamus. *Humida* alia, ut eam cognoscamus nobis exhibet phænomena. Ossis exesa, peraspera superficies, ichor fœtidus, niger, lintea nigro ornans colore, ex ulcere promanans, nullum, hujus cariei præsentia, dubium restringit.

(*Indicantia.*) Purulentia præter magnam diuturnitatem clausa, a perioestio suo ossis superficiem denudans, externam exhibet causam occasionalem. Causa interna non raro adesse solet, v. g. metastasis quæ cariei siccæ plerumque pro origine est. Ossis mortificatio atque arrosio causam constituit proximam. Pro symptomate ichorem, perpetuæ inflammationi nutrimento inservientem, habere possumus.

(*Indicationes.*) Indicationis causalis ratione, in occasionalem internam inquiramus, eique convenientibus remediis obveniamus. Ad causam proximam autem quod attingit, partem ossis arrosam vel emortuam a sano segregare conemur. Palliative ichorem corrigere, ejusque non impeditum effluvium promovere, atque inflammationem ulceris solvere necesse est.

(*Indicata externa*) In extrema, vel carie humida vel sicca, affecta phalange, exfoliationem vel excitare, vel spontaneam expectare, fas non est; teste enim experientia os, spongiosa structura præditum, mox plane a carie offenditur, quin & proximam phalangam carie sæpe incendere observa-

F

tum

tum sit; quod ex perioestii ad alium articulum transitum haud ægre explicari potest. Veterum quod sciam, ALBUCASIS primo ossis extinctionem vel exstirpationem laudavit. l) Recentiorum BISSET, hanc operationem invenisse se jactans, eam commendavit. m) Ad unguis latus incisionem parallelam supra arteriam, ne digiti apex lædatur, instituendi laudat. Ut varia huic methodo objiciam, licitum mihi erit. Ad pus evacuandum loco necessario in digiti phalange extrema facta, vel spontanea in digiti palma disruptio orta est, cur igitur novam sectionem faciamus? ut nervi vasaque non lædantur & apici parceatur; nonne apex magis offendi periclitetur, si nervorum trunci a latere ad apicem ramos dimittentes, dissecentur? nonne porro, vasa nervique aliquando a situ naturali digredi, aberrare, atque tali modo sauciari possint? nonne ossis exstirpatio ejusque a ligamentis & tendine separatio magnis objecta esse debeat difficultatibus? Tandem ægrotantes vix admittent novam sectionem. Ex his colligere licebit, quod ossis exstirpatio per primam aperturam dilatatam commodius fieri possit. Dolendum, quod hæc operatio aliis rigidiori structura ornatis ossiculis locum habere non possit; in his enim caries totam ossis substantiam non penetrat, & remediorum anticarioforum usu ossis conservationem expectare possumus. Usus autem quem exhibet hæc methodus, in eo consistit, ut unguis & digiti apex servantur, atque

cura

l) Method. medendi Lib. cap. 89.

m) Medical essays and observat. pag. 310.



cura brevius peragatur. Apud cariem in aliis phalangis occurrentem indicationes supra stabilitas nostras ponamus. Ideoque os, ut in conspectum veniat, vulnus dilatetur, os denudatum cum spongia marina Liq. a. m. H. vel Ess. myrrh. imbuta obtegimus, ut morbosum exfolietur. Cavendum autem, ne in horum usu excedamus modum, atque os sanum offendamus. Inde uno die spongiam his remediis humectatam apponamus, expectemus tunc per aliquod dierum spatium num exfolietur, si non fit, hæc repetenda sunt. Aliquando Chirurgi opera actum agunt, osque plane consumi videtur, tunc causam internam habeat suspectam. Topice in hoc casu digiti amputatio in usum trahenda est, ne ex una phalange corrupta proxima quoque infestetur. Ichorem spongiæ marinæ cum antisepticis potionatæ applicatio egregie corrigit. Huic scopo ideo conveniunt, decoct. cort. peruv., scord., flor. cham. &c. quibus bis de die deligatio & sæpe repetita humectatio, vel digiti in hæc immersio fieri potest. Spongia ichorem absorbet, ejusque reservationi optimum insert obstaculum. Inflammationi per emollientia anodynaque obvenire possumus. Subinde autem propter longam inflammationis permanentionem stagnat sanguis, magisque resolventia ad discussionem requirit. Fortasse supra jam laudatum lixivium egregia afferet opera. Vulneris ipsius labia cum digestivis, donec omni inflammatione sint destituta, deligare congruit. Exfoliatione facta, ichoris malignitate cessata, inflammatione resoluta, vulnere pure sano nitente, hoc ipsum ad sanationem, in priori specie indicato modo, perducatur.

(*Indicata interna.*) Causa occasionali interna a Chirurgo disquisita, per remedia vel methodica vel specifica eam aggrediatur. In causam internam præcipue suspicionem conferre licet Chirurgo, in carie externis auxiliis obstinate resistente, perpetuo in os ipsum se expandente, vicinaque ossa corripiente,

III. *Stadii gangrænæ & sphaceli curatio.* Ad hujus stadii diagnosin quod attingit alio loco jam locutus sum, ideo hujus loci, de ejus curatione mihi tractandum erit. Ab observatoribus gangræna in *siccam* & *humidam* dividi solet. Siccam ab ustilagine oriri se observasse contendunt autores. In vero panaritio quod hucusque describere susceperim, humida plerumque occurrere consuevit, ideo de hac verba mihi tantum facienda sunt.

(*Indicantia.*) Causa proxima solidorum & fluidorum in mortificatione atque putrefactione continetur. Exstant autem varix occasionales causæ stadium inflammationis in hoc malignum convertentes. v. g. Nimis magna inflammationis vehementia, propter nimiam partium resistantiam o). Humor, cujusvis indolis sit, cacochymia. Primarum viarum saburra. Metastatica materia quædam. Fere omnes partes destruentes contusiones externæ. Aër impurus. Victus pravæ indolis &c. Symptomata hic obser-

o) *Dionis l. c. pag. 723.*

servantia plerumque febre sanguinea- vel biliofo-putrida, ex ichoris absorptione ortum trahentibus, vel inflammatoria cum inflammatione externa complectuntur,

(*Indicationes.*) Dum ad causam respiciamus, tam causam proximam quam occasionalem in considerationem trahamus. Ratione occasionalis causæ omnem artis medicæ peritus Vulnerrarius ponat operam in ejus diagnosin & curam; quibus prolixè verba hic facere, spatium non admittit. Proximæ causæ autem ratione, putridas emortuasque partes a vivis discescere, putredinemque corrigere, necesse est. Palliativa indicatio in febrium concomitantium tractatione versatur. Ideoque si febris putrida urget, eam corrigere ichorisque absorptionem cohibere; in febre bilioso-putrida nata indicatione simul evacuantibus uti, & in febre inflammatoria tam externa quam interna adhibere antiphlogistica, viribus contendamus. Prophylactico scopo sex rerum non naturalium ordinem quadrantem præscribamus,

(*Indicata externa.*) In putridarum partium a sanis divortium laborem insumamus, necesse igitur est, ut inflammationem & suppurationem in vivis digitis solidis & fluidis excitemus. Chirurgus itaque ad sensiles vivas partes usque incisiones scarificationesque faciat. Harum in-



stitutione cavendum, ne a lateribus in arterias reddantur sectiones, & nimia hæmorrhagia oboriat. Quam normam ex TOMLINSONI observatione statuere mihi licebit. p) Sectionibus factis linteo carpto vel spongiâ marina eximantur ichores. Inflammatione sufficiente in circumferentia præsentē, corrigentibus externis non irritantibus cum emollientibus ac digestivis utamur. v. g. Flor. cham. Cort. peruv. Camph. cum emollientibus anodynis forma cataplasmati vel fomentationis adhiberi possunt. Digestiva sectionum fundum attingant. In affectu digiti ambitu autem pallido, laxo, dolore ex parte apparente inflammationem procreare operam sumamus. Fundus cæsurarum itaque irritantibus ph. macis obtegatur, v. g. Theriaca, R. canthar., Pulv. semin. sinap., empl. nigr. sulph. Bechholtz., circumferentiæ gangrænæ cum aromaticis spiritibus frictio convenit, simul corrigentibus ex antisepticorum penû desumptis utendum est, v. g. Aceto, vino, Cort. peruv., flor. cham. &c. quæ forma cataplasmati vel pulveris gangrænoso digito applicentur. Ichoris absorptionem commode per incisionum copiam, antiputredinosorum forma sicca applicationem, & cum spongia marina deligationem prohibere valemus. Amputationem varii autorum in prima, gangrænæ sphacelique origine laudant.

Sem-



Semper hæc methodus non commendanda, fiat operatio illis ab Ill. RICHTERO egregie statutis indicationibus. q)

(*Indicata interna.*) Causis internis occasionalibus Chirurgus medicinæ consultus medeatur. Si febris putrida sanguinea ægrum cruciare observatur, interne china, acidum vitrioli, alumen, valeriana, serpentaria, camphora, arnica, respectu ægrotantis status spastici vel colliquationis, vel enervationis urgentis, conducunt. Febris bilioso-putrida, simul resolventium evacuantiumque usum nata indicatione flagitat. In febre inflammatoria urgente, interne methodus antiphlogistica jam indicata necessaria est, sed venæsectione huius loci caute & parce utendum est.

(*Indicata diætetica.*) Aër generatim sit purus, cibus in putrida urgente febre acidus vegetabilis v. g. ex fructibus horaeis. Febri inflammatoriæ convenientem diætam jam annotavi. Potus semper sit copiosus, mucilaginosus, in febre putrida acidus. Se & excretiones omni modo ferventur, & animi pathematibus, hoc stadio non mediocre periculum afferentibus, abstineat æger.

### *Speciei dorsalis superficialis curatio.*

*I. Stadii inflammationis cura.* Stadium hoc singulari gaudet qualitate, quod nempe facile transeat in suppurationem, uti fere omnes auctores as-

F 4

serunt,

ferunt, quin etiam modo non semper delabatur unguis. Arteriarum arcus unguicularis non exiguum hic inflammationi exhibet fomitem; accedit præterea partis mollities ut cedere possit. Noscitur ex signis suis jam indicatis,

(*Indicantia.*) In solidis causa proxima est mediocris humorum affluxus, in fluidis ut plurimum stagnatio. Symptomata præsertissima in dolore rubore atque tumore continentur.

(*Indicationes.*) Affluxum igitur minuere & sanguinem stagnantem solvere laborem impendamus. Palliative dolores leniendi tumoremque discutendi ratio est.

(*Indicata externa.*) Primo igitur supra in stadio inflammationis primæ speciei generalia externa laudata cum leniter adstringentibus & solventibus adhibeantur; hæc enim tumorem ac sanguinem stagnantem propellunt. v. g. Infus. flor. cham. & hyosc. cum lixivio saponario, liniment. ex vitell. ovor. cum sale, liniment. volatile &c. fortasse quoque hujus loci vaporis balneum conducit, cujus Cæl. DE HAEN mentionem fecit, ex aqua communi & quinta parte aceti; expressis verbis notat: *adeo laxat ut tota manus ruge scat, tantæ est penetrabilitatis & laxitatis.* r) His omnibus in brevi temporis spatio experte fructu adhibitis, ad operationem confugiendum est. Cum scalpello igitur integumenta externa incidenda sunt, ut sanguis promanet; ceterum omnia jam indicata methodo

thodo fiant. Indicatis internis & diæteticis rarissime uti necesse est.

*II. Stadii suppurationis cura.* Frustra remediis, ad inflammationem solvendam, applicatis atque ægro non admittente incisionem, suppuratio fit, quæ notato modo tractanda. In unguis abscessione præcipuam curam suscipere velle non licet. Videndum tantum, ne sub ungue insinuetur pus atque caries oboritur. Delapso ungue ad minimum loci contactum fieri solent dolores; indeque varii autores locum siccis pulveribus inspergere suadent, ne papillæ ab externis lædantur injuriis. Mihi vero cera molli loco affecto applicata, laude PLATTNERI s) illis pulveribus præferenda est, injurias enim externas melius arcere videtur. Tunc unguis a fine suo incipit iterum increfcere, donec integre perficiatur. Deligatio commode cum theca digiti a chirotheca desumpta fit. Stadium gangrænæ rarissime hac in specie observari consuevit.

### *Profundæ dorsalis speciei curatio.*

*I. Stadii inflammationis cura.* Cum illo stadio inflammationis profundæ palmaris speciei ratione indicantium, indicationum & indicatorum plane congruit, ita ut in repetitione me obruerem, si speciatim hujus loci loqui vellem; ergo nihil aliud adjiciendi mihi superest quam operatio ratione encheiresis ab illa diversa. Omnibus igitur

F 5

intra

s) l. c. pag. 60.



intra breve temporis intervallum incassum impensis remediis, ad hanc operationem confugiendum. Angulo vitri acuto subtiliter abradere unguem usus est factus, donec tenuissimus fiat, variis in locis rescindi vel incidi possit, ut affluxui sanguinis locus cedatur.

*II. Stadii suppurationis curatio.* Confecta purulentia, citius quam fieri potest, fiat unguis abrasio, donec lanceola eum penetrare possit, & materię exitus detur, ne mala oboriantur symptomata. Nisi fiat operatio, suppuratio extenditur, totus unguis corrumpitur, imo phalanx ipsa sæpe perit, caries enim familiare symptoma eam corripit & consumit; pus extensoris tendinem quoque afficere potest. Unguis delapsui ex suo capite medeatur. Quod reliquum est, omnia ut in profunda specie palmari sanentur.

*III. Stadii gangrę medela.* In hoc stadio eadem instituetur operatio, plana unguis destructio est necessaria, ne ichor aliquo loco stagnet & phalanx perdatur.

### *Chronica speciei medela.*

Hujus speciei decursus, stadiorum divisionem vix admittit, fere continuo perseverat in stadio irritationis, ideoque de hac pauca adjicere valeam. Primo a Cel. ACREL observata fuit, & amputationem digiti ægri supra locum doloris qua unicum ex observationibus comprobatum auxilium laudat.

t) Cau-



t) *Causa interna præcipue hic urgere videtur, atque ni fallor materia arthritica. Nonne ossis extirpatio methodo ALBUCASIS s. BISSETI instituta, hac in specie sufficeret? Unguis & digiti apex hac ratione servarentur.*

## CAP. XI.

### *De medendi ratione causas occasionales. spectante.*

Propter spatii defectum de causis occasionalibus externis, omissis internis, verba hic tantum facere possum; attamen ad internarum catalogum inveniendum quoque in re medica versatus Chirurgus iudicio subacto sit præditus, iisque tunc medeatur. Præter generalem jam medendi rationem laudatam, ad causam procatarteticam simul, indicationem figamus. Præcipuas igitur causas occasionales indicationem præstantes hic notare studebo. Omnes causas occasionales externas ad tres classes reducere, non incommodum iudico, quæ nempe causam proximam aliam nempe indicationem præbentem, progignunt. Sunt igitur causæ occasionales vel *irritationem*, vel *atoniam vasorum*, vel *humorum stagnationem* efficientes. Probant quoque ab autoribus commendata remedia; alii enim adstringentia, alii anodyna, alii emollientia in usum trahunt. In genere bene notandum, quod ad causas occasionales indicatio in  
stadio

t) l. c.

stadio irritationis & inflammationis locum tantum habere possit.

(*Causæ irritationem solam efficientes.*) Vulnèra punctura facta. Leve vulnus quodcunque. Morsus apum. Acria externa. Combustio. Corpora aliena intrusa. Furia infernalis. Omnia hæc irritamentum ægre solvendum involvunt. Indicatio inde haurienda est; ut irritationem sive causam proximam & dolorem effectum scilicet, leniamus. Sequentia ergo præter generalia tam in irritationis quam inflammationis stadio adhiberi possunt. Empl. theriacale, unguent. & ol. de hyosc. empl. de cicuta, fomentatio cum lacte calido in quo theriaca soluta, applicari possunt, atque digiti contra injurias externas defensio. Corpora aliena vel cum vossellis, vel per incisionem eximantur. Furiam infernalem cum caseo non salito e corpore ægri in caseum elicuit SOLANDER II).

(*Causæ atoniam edentes.*) Ex aëre rigidi digiti subitanea incalescentia. Digitorum contusio & compressio sunt causæ atoniam producentes; ergo præter generalia lenia adstringentia, ut tonus integer restituatur, adhibeantur. Cel. THEDENII fasciatio cum aqua sclopetaria præcipue convenit, acetum in quo sal ammon. solutum, spirit. vini, spirit. vini camph., herbar. aromat. infusiones, Liniment. volat. &c. Omnia hæc commode cum præscriptis generalibus conciliantur, symptomatica enim sunt dolorosa. In fere plane conquas-

satis

7. ~~2~~  
VIRO ILLVSTRISSIMO

ATQVE

EXCELLENTISSIMO

DOMINO

LIBERO BARONI

DE HAMMERSTEIN

IN MILITIA POTENTISSIMI GEORGII III.

MAGNAE BRITANNIAE REGIS SUMMO

LEGIONIS EQVITVM PRAEFECTO

DOMINO ATQVE FAVORI SVO

LONGE GRATIOSISSIMO

SPECIMEN HOCCE ACADEMICVM

DEVOTA MENTE SACRVM FACIT

IPSIVS NOMINIS

DEVOTISSIMVS CLIENS

J. L. A. FOCKE.

THE UNIVERSITY OF CHICAGO

LIBRARY

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS

PHYSICS



## INTROITVS.

**P**raeterlapso illo tempore, quo medicinae elementarius versatus sit academiis, ut diligentiae suae testimonia in publicam lucem edat, exigitur. Meo igitur finito studio his officiis munus quoque conficere debeo. Haec munia in eligendo elaborandoque argumento non mediocrem mihi attulerunt difficultatem. Per longum inde temporis spatium in angustiis versabar, quamnam medicinae vel chirurgiae partem submitterem studio atque elaborationi. Cum in chirurgiae studio praecipue fixurus sim operam, hujus scientiae perlustratio, mea sententia, non satis exaratam materiam, Panaritium scilicet, tandem suppeditavit. Quantum ideoque in me erit, Et quoad tenuitati meae licebit, hanc materiam elaborare conabor. Primo hujus loci non incommodum esse existimo, de anatomica digitorum structura eatenus hunc morbum contingente, varia praemittere; quae nobis, multorum phaenomenorum symptomatumque hoc morbo occurrentium explicationem, eorumque medendi methodum exhibitura sit. Ceterum morbi definitionem, sedem causas, &c. tractabo. Priusquam autem ad rem ipsam me converto, Lectores benevolos enixe rogatos volo, ut, quaedam iis in hoc inaugurali specimine non satis elaborata, obventura, velint haud immemores esse a juvene atque artis salutaris tirone specimen hocce edolatum, atque ob temporis defectum fere elusubratum esse.

## CAP. I.

*Anatomica digitorum manusque constructio.*

(*Praemonitum.*) Quantum intersit Chirurgus, illius partis affectae curationi suae submissae, naturam fabricamque cognitam habere, vix monere ausim. Docet enim egregia haec scientia Chirurgus in usum vocare commoda medicamenta, sed quod res maximi ponderis est, operationes aliasque encheireses chirurgicas tutius, aegrotanti quoque commodius adhibere. Hisce ex rationibus opere pretium arbitratus sum, illarum partium hoc morbo, quem describere mihi est in animo, infestantium, anatomicam constructionem praemittere. Morbus quem *Panaritium* vocare consueverunt, cum autem manus digitos praesertim, rarissime illos pedum corripere observetur, de illorum fabricatione mentionem hic facere, sufficere existimo. Benevolos Lectores autem obtestor, ne ex me desiderent succinctam exquisitamque partium commentationem. Propositum, ut notaverim, eo solum valeat, quod, ad hujus morbi notionem, explicationem atque curam, partes manum formantes necessarias describam. Sed ad rem, & molliarum partium basi, *Ossibus* scilicet, inchoare ratio est.

(*Ossa digitorum.*) Non expectetis Lectores mei ossium divisionem, ordinem atque configurationem, ab eorum fabrica verba aliqua, modo adjiciam. Per totam ossium phalangum substantiam

tiam diploën laxam medullulosam, cum ossea tenera lamella amictam, ita ut per acrimoniā quandam haud aegre consumi possit, observamus. Ratione spongiosae structurae autem extrema phalanga omnibus aliis praevalet. (*Periostium.*) Periostium immediate ossa haec cingens, supra capsularia ligamenta, ubi vel progrediuntur vel insertionem petunt, supercandit, & trans ligamentum alteri ossi iterum se applicat. Ne autem invicem coalescant periostium atque ligamenta, interposita cellularis membrana huic impedimento est. (*Ligamenta.*) Ligamentorum, hodie per rigorosa examina Cl. WEITBRECHT, satis exarata constructio, ad manus firmitatem actionemque non exiguas affert suppetias, quibus nunc, necessaria quoque allegare, mihi est consilium. Perceptionis gratia in duobus ordinibus haec ligamenta considerare cogor. De ligamentis digitorum ossium primo, deinde de tendinum ligamentis necessaria quoque adjiciam. (*Membrana capsularis.*) Omnes digitorum phalangum extremitates cum membrana capsulari circumdantur, qua se invicem conjunguntur. Corroboratur haec conjunctio per extensorum tendines ac flexorum vaginas, quae illis accuratius affiguntur. (*Usus.*) Inde palam est, ad horum ossium conso- ciationem, nec non ad motum harum phalangum infrigendum, haecce ligamenta exhibere debita auxilia. (*Ligamenta lateralia.*) Ligamenta lateralia, ad utrinque articuli latus locata, a



dorso extremitatis phalangis inferioris ad palmam oblique descendunt, ibique in extremitate phalangis proximae superiore insinuantur. (*Usus.*) Praesertim digitorum, ab- & adductionem limitare inserviunt.

(*Ligamentum cutaneum.*) Ligamentum cutaneum ex latere condyli phalangis mediae digitorum proficiscitur, ac in palmae cutem prolixè expauditur. Praeterquam aliquae fibrae, in illam cutis partem papillas nerveas obducentem, insinuantur. (*Usus.*) Utilitatem praebet, quod formet cutem, praecipue autem quod in digiti extensione erigat papillas nerveas.

(*Ligamentum laterale subtensum.*) Ligamentum laterale subtensum phalangerum extremarum, est ligamentum ab utrinque latere tertiae phalangae apicis originem trahens, ad superiora adscendens, ubi inseritur. (*Usus.*) Cutis illi sese insinuat & ad unguium adhaesionem securam inservit.

*Ligamenta tendinum in vola manus, digitis & circa carpum.*

(*Aponeurosis palmaris.*) Aponeurosis palmaris immediate sub cute volae manus forma fibrosi plani posita est. Hujus fibrae longitudinales a ligamento annulari proprio ortum capientes, radiatim in palma a se invicem divaricantur, atque in quinque fasciculos tendineos divisae ad digitorum palmas abeunt. In palmae parte media



dia per fasciculos transversales illi fasciculi conciliantur. Iis arteriae, nervi atque flexorum tendines ad digitos emergentes subjacent. (*Ufus.*) Haecce aponeurosis omnium musculorum palmarum actionem corroborat, praesertim omnibus arteriis, nervis & tendinibus praesidio est.

(*Ligamentum carpi proprium.*) Ligamentum carpi s. annulare proprium ex firmissimis ac strictissime fibris tensis compositum anatome id observavit. Adnascitur ossi pisiformi ac multangulo majori. Duo haec ossa pro musculorum flexorum collocatione formant sulcum hoc ligamentum tamquam chorda subtendentem. (*Ufus.*) Usum exhibet hocce ligamentum, quod flexorum tendines contineat, eorum motum facilius reddat, atque pollicis nec non digiti minimi musculus propriis adhaesionis locum commodum tradat.

(*Ligamentum carpi palmare.*) Ligamentum carpi palmare commune proprie nec in carpo nec in palma locum occupare observamus, sed supra articulationem positum est. Immediate cuti subjacet, & fibris transversalibus constructum est. (*Ufus.*) Praestat usum, quod flexorum tendines ad manus palmam progredientes completetur. Ab aliis hac ratione *Ligamentum armillare* quoque vocari solet. (*Ligamenta vaginalia.*) Ligamenta vaginalia primae & mediae phalangae ex articulationum marginibus proficiuntur, atque supra flexorum tendines tenduntur.

(*Ufus.*) Usus eo valet, quod tendines hic firmi tenerentur.

(*Ligamenta cruciformia.*) Ligamenta cruciformia sunt ligamentula in phalange prima & media flexores decussantia. Ut in antecedentium praebent. (*Membrana tendinum communis.*) Membrana tendinum communis, membrana tenuis est, ac cellulosa. (*Ufus.*) Omnia notata ligamenta ita conjungit ut videantur continuum, impedit itaque ligamentorum divaricationem. Praesertim synoviae tendines lubricanti pro armariolo est. Ceterum tendines suis locis fixos tenet. His praemiis ad musculos transire mihi licebit; quorum contemplationem termino meo consentaneam, nunc aggrediar.

(*Sublimis musculus.*) Sublimis s. Perforatus ortum suum condylo ossis humeri flexorio atque superficiei ulnae internae debet, brachii in latere interiore descendit, circa antibrachii mediam partem in tendinem mutatur; proficiscitur tunc sub ligamento annulari proprio ad palmam, ubi in quatuor tendines divaricatus ad digitos, excepto pollice projicitur, atque in primae phalangae palma in duo crura s. junctus ad phalangem secundam evadit, ejusque marginibus insinuat. Haec crura perforantis tendinem amplectuntur. (*Ufus.*) Praestat memorabilem usum, quod secundam phalangem flectat.

(*Musculus profundus.*) Profundus s. Perforans enascitur a superficiei ulnae anteriore ligamen-

gamentoque interosseo, in parte brachii anteriore, sub ligamento annulari proprio ad palmam emergit. Priusquam sub ligamento transit in quatuor tendines divisionem patitur, sub perforato in manus volam ad digitorum, excepto pollice, phalangem primam usque projecti, ubi sublimem transforant, supra secundam phalangem transeunt, atque ibi in duo crura separati internae superficiei phalangis tertiae affiguntur. (*Uusus.*) Inservit hic musculus flectendi phalangem tertiam digitorum. (*Flexor pollicis.*) Flexor pollicis proprius longus projicitur a parte anteriore & superiore radii ligamentoque interosseo. Tendineam in naturam mox transit, sub ligamento annulari per ossis multanguli majoris sulcum ad phalangem pollicis secundam progreditur, ibique ejus superficiei volari inseritur. Ligamenta supra jam notata hunc tendinem propria vagina tendinosa inclusum, phalangis affigunt. (*Uusus.*) Hic musculus phalangem secundam flectit.

(*Pronator quadratus.*) Pronator quadratus, pollicaris latitudinem habens, a parte inferiore marginis interioris ulnae originem petens, transversaliter tunc ad superficiem radii anteriorem projicitur. (*Uusus.*) Radium in pronationem vertore adjuvat. Haec de musculis scopo nostro sufficere credo, atque de arteriis necessaria quoque nunc proponam.

(*Arteria radialis.*) Arteria radialis inter musciculum radialem flexorem atque supinatore longum ad radii processum styloideum fertur. Varios hic ramos articulationis ligamentis cedit atque *ramum volarem* creat.

(*Ramus volaris.*) Ramus volaris postquam musculis adjacentibus pollicis dederit ramos, prope annulare ligamentum in palmam emergit; tunc immediate sub palmaris aponeurosi ante hoc ligamentum cum ramo ex ulnari arteria *arcum superficiale volarem* formare solet.

(*Arteria ulnaris.*) Arteria ulnaris inter musciculum digitorum sublimem atque flexorem ulnarem ad carpum proficiscitur; circa os pisiforme ex ea projicitur ramus ad manus progrediens & ramum immediate sub palmaris aponeurosi jacentem cum ramo ex arteria radiali *arcum volarem superficiale* exhibens formantem.

Arcus volaris superficialis in complexu aponeuroseos palmaris tendinumque flexorum haeret. Ex eo rami digitales prosiliunt.

(*Arteriae digitales.*) Arteriae digitales ad decem usque anatomicis numerantur, digitorum in facie radiali ac ulnari ad apicem usque decurrunt, in digitorum cutim ligamentaue vicinia atque articulos ramos deponunt. Utrinque latere decurrentes arteriae in extremae phalangis superficie palmaris in arcum coalescunt, ex quo ad nerveas papillas prorsum evadunt rami.  
Utrin-



Utrunque autem hujus arcus latere sub unguis radice curvantur ramuli se invicem concilians atque *Arcum unguicularem* suppeditantes, ex quo unguium arteriæ nutrientes profiliunt.

Sufficiant haec de arteriis, ad nunc transire necesse est ad nervos.

(*Nervus medianus*.) Nervus medianus sub flexore carpi radiali sub ligamento annulari proprio ad palmam decurrit. Vel supra vel infra ligamentum in diversos ramos scedit. Progre-  
dientes tunc rami ab aponeurosi palmari atque tendinibus flexorum amplexi, arcum volarem superficiale[m] concomitantes cum cubitali nervo per anastomofin conjunguntur. In quemlibet flexorum tendinem nervus furculus transit, ei-  
que fixa ~~tela~~ cellulosa adnectitur. Ut brevibus verbis exponam, in septem filamenta divisionem patitur, quorum duo pollicem, flexorem ejus brevem musculum scilicet & latera petunt. Re-  
liqui ad ulnares radialesque digitorum superfi-  
cies emergunt. Excepta superficie digiti an-  
nularis ulnari, ac superficie ulnari atque radiali digiti auricularis.

(*Nervus cubitalis.*) Nervus cubitalis arteriam ulnarem concomitans, ad carpum progrediens, in duos capitales ramos, *dorsalem* nempe & *volarem* partitionem experitur. Quorum dorsalis unum ramum in manus dorsum mittit, iterum duos furculos digito auriculari nec non an-

nulari exhibens; atque alterum filamentum lateri digiti medii ulnari impertit.

*Volaris ramus* sub annulari proprio ligamento cum ulnari arteria in volam emergens in duos furculos divisione conqueritur, in *sublimem* scilicet & *profundum*.

Quorum sublimis nostrae notationis dignus auriculari digito utrinque latere mandat ramum. Annularis digiti porro superficie ad apicem usque emergit, atque cum mediano plexum format, sicuti in aliis digitis ex mediani ramis fieri solet, in quo tactus sedem occupat.

(*Nervus cutaneus internus.*) Nervus cutaneus internus major digito medio annulari atque auriculari filamenta nervea mittit.

Ignoscatis lectores benevoli, nisi nervorum distributionis pluribus verbis fecerim mentionem. Ut mea fert opinio horum divisio, Chirurgum eousque attingit, quod dira hoc morbo occurrentia symptomata inde explicare possit; ad operationes quod spectat, ut sufficienter experientia probavit, nihil referre videri, & aegrum nulla conqueri noxa ex unius vel alterius furculi dissectione. Ingens enim nervorum, manus occupans, numerus, noxas inde ortas facile resarcire valet. Clariorem nervorum descriptionem amans plura inveniet apud Cl. CAMBER a) & KLINT b).

Hisce

a) Demonstrat. anatom. patholog. Lib. I.

b) Comment. anat. de nervis brachii Goett. 1784.

... (*Involucra communia.*) Hisce omnibus in attentionem tractis, de involucris omnes has partes includentibus communibus necessaria quoque colligere cogor. Dividuntur in *epidermidem* & *cutem*.

(*Epidermis.*) Epidermis ex pluribus tabulatum impositis lamellis constat, praesertim autem illa pars volam occupans, quae ad cornu naturam subinde accedere videtur, in illis molestis laboribus indulgentibus hominibus observatur tali modo constructa.

(*Cutis.*) Cutis manuum magnopere tenax densa, & subjacentibus partibus firmiter annexa, per anatomen demonstratur, ut ex tendinosarum partium reti, aegre distentionem quandam admittente, constructa esse videatur. Omnes cutem constituentes partes reliquae, v. g. vasa exhalantia atque absorbentia, nerveaeque papillae in membrana adiposa & tendinearum fibrarum interstitiis disperguntur.

Et haec de anatomica partium fabricatione sufficiant, ut ad morbi ipsius considerationem nunc majorem impendere possim operam.

## CAP. II.

### *De pararitii definitione.*

Ad morbi descriptionem priusquam trans-eam, morbi definitione rem aggredi, hujus loci non absolum erit. Ideoque duplicem morbi definitionem.

fnitionem, nominalem scilicet & realem afferre, fas est.

(Definitio nominalis.) *Panaritium*, *Paronychia*, *Reduvia*, *Reluvia*, *Redivia* germanice *Wurm am Finger* omnia, illius morbi quem describere proposuerim a plurimis autoribus pro synonymis habentur; cui alii autem adversari conantur, dum inter paronychiam & reduviam differentiam ponunt. Reduviam, cuticulæ ab unguis radice resolutionem, affectus aegre aggrediens & germanis *Niednagel* vocatus, significare statuunt. Plurimi autem huic differentiae obsunt ergo mea sententia, vox populi, vox Dei. Reliqua nomina brevitatis gratia silentii sipario imponam. *Paronychia* verbum a graecis mutuo est acceptum aliisque voculis compositum *παρά* scilicet, *ad s. juxta* & *ὄνυξ*, *unguis* propter mali circa unguem saepius apparitionem. Datur hujus nominis herbae species a Cl. LINNEO *Illecebrum paronychia* notata. Veteres enim hanc herbam in panaritio in usum vocare consueverunt unde nomen accepisse a plurimis asseritur. *Panaritium* teste GLANDORPIO alienis ex linguis procreata est vocula c) *Reduvia*, *Reluvia*, *Redivia* voces latinae linguae originem suam debentes circa unguem *circulum* proprie significant, germanicam demoninationem (*Wurm am Finger*) jam obsoletam observamus; a TEOPHRASTO PARACELSO enim ex dolore rodente primo in

c) Opera omnia, Tractat. de paronych. cap. 6.



in medium protulisse videtur d). Revera tamen panaritium ex verme dari SOLANDER primo literis mandavit e), quae igitur germanicam denominationem non plane rejiceret. Hucusque in germania autem nondum observata haecce species, unde hoc nihilo modo nos attingere credo. In plebe autem hancce appellationem semel receptam cur ad nihilum redigamus? sufficiat nobis tituli significatio.

(*Definitio realis.*) Ad realem definitionem quod contingit, inter autores, ad aetatem nostram usque de hoc morbo aeternitati quicquam consecratos, magna versatur dissensio. Sic. v. g. GLANDORPIUS nimis amplam, modo non totius morbi decursum complectentem exhibet definitionem f). Alii ad inflammatoriorum tumorum classes numerant panaritium. Teste experientia autem, hic morbus inflammatione subinde experte observari solet. Omnes autorum definitiones hic in medium proferre mihi non est animus; quod enim autores, tot fere existunt definitiones. Ideo hic, vulgatissimam, ut mihi videtur non veram, atque a plurimis receptam definitionem allegare, postea autem meam rationibus comprobata adjungere, mihi erit consilium. *Panaritium* (ut vulgari titulo utar) *extremae phalangis digitorum est inflammatio, cum vel*  
*sine*

d) Lib. de apostemat. cap. 17.

e) Acta societ. scient. Upsal. Vol. I. pag. 57.

f) l. c. cap. 5.

*sine tumore insigni, magno dolore ad brachii flexuram subinde se extendente, & febre conjuncta.* Sic uno ex ore omnes fere hujus morbi neoterico-  
rum scriptores clamant. Omnia haec autem veram definitionem non praestare, monstrandum nunc putamus nostri officii.

Nunquam morbus cum inflammatione exordium capit, nullo modo ad morbi essentiam pertinet, sed inter decursum accedit; quod mecum affirmat WEDELIUS. g) Probant porro Aëtius h) aliique panaritium in *incipiens, inflammatum, suppuratum atque exulceratum* discernentes. FABRIC. ab AQUAPENDENTE vitium hoc inter *initia*, inquit, *cum scilicet incipit digitus dolere, hoc est, in prima doloris invasione, ubi neque adhuc in digito tumor ullus aut rubor apparet &c.* i) Quomodo fieri debet, quod statim in his firmis partibus oboriatur inflammatio? nonne per aliquod temporis intervallum, priusquam produci possit phlogosis, irritamentum agat in digitum? Ingens remedium empiricorum catalogus multa phlogosin excitantia complectens, nec minus, inflammationem morbi essentiam non contingere, probat. Extremam in phalangem speciatim panaritium invehi contra pugnat experientiam, apud GLANDORPIUM enim legimus, alias phalanges huic

g) Dissert. de paronychia. Jena 1674.

h) Tetrabibl. 4. sermo. 2. cap. 75.

i) Opera chirurg. sect. de operat. chirurg. parte I. pag. 103.

huic morbo quoque obnoxias esse. k) Nullo modo porro tumor quoque in essentialē definitionem trahi potest. Sic affirmat Cl. DE HAEN, inquiens, *vix dignoscitur tumore malum* l) Dantur adeo panaritii species, quibus fusius alio loco dicendum mihi erit, omni tumore expectes. Tumor phlogosisque morbi decursum vel progressum comitantur, vel accedunt imo constituunt subinde, atque a tempeſtiva adhibita cura sibi timent. Chronica illa a Cel. ACREL observata species sine omni tumore apparuit. m) Febris tandem, ut ex usu compertum habent, non semper, sed fortuito accedere, observatur. Omnibus ex his colligere licebit, notata haec, ad definitionem realem omnino referri non posse, sed de sede, causa, cura, habitu corporis aliisque rebus pendere. Dolorem omnium jure ad definitionem realem retulerunt scriptores. Nunc tibi L. B. objurgare licet, quatenam vera definitio nunc sit? Ego affirmo, *Dolorem* sive *dolorificum affectum* verum essentialē panaritii constituere characterem. Ut rationibus nunc conformem sententiam meam, omnibus viribus laborem in rem infusam. Assidua nobis testatur experientia, morbum semper dolore initium capere, dolorem hunc, aegrum in morbi progressum corripere atque augeri & ad morbi sanationem  
usque

k) l. c. cap. 14. pag. 29.

l) Praelect. patholog. edit. a WASSERBERG Tom. I. pag. 209.

m) Chirurgische Vorfaelle, 2ter Band, pag. 208.



usque, plane non extingui. Cel. BOERHAVE hoc comprobare videtur, dicens: *si tenuissima pungitur acicula sub unguibus nervus, manebit fere dolor, donec homo moriatur.* n) Omnia huic morbo obvenientia symptomata topica quam maxime dolorosa sunt. Nonne laterum dolores semper *pleuritidis* nomine ornantur, etiamsi omnia phlogosis signa plane absint? Dolor laterum constantissimum est pleuritidis symptoma, ergo mihi quoque, dolorem aliquam digiti phalangam occupantem, appellare *panaritium* licebit. Illae a Cel. ACREL dono nobis datae observationes, nonne manifeste dolorem qua panaritii essentiam declarant? Per annorum intervalla enim dolore conquerebantur aegrotantes. o) Mecum tandem sentiunt Cel. DE HAEN inquit: *panaritium dolor est acutissimus* p), atque Cl. BOERHAVE cum odontalgia comparare ausit, dicens: *odontalgiae praecipua est essentia dolor, ergo in paronychia.* q)

### CAP. III.

*De morbi sibi relicti vel neglecti decursu, & symptomatum explicatione.*

(*Decursus.*) Nunquam non in una vel altera parte digiti, cum dolore, aliquando in parte affecta perseverante, nonnunquam se extendente,

n) De morbis nervorum. pag. 238.

o) l. c.

p) l. c. p. 209.

q) l. c. p. 238.



tendente, quin ad axillas usque ascendente, ita ut totum interdum brachium trahatur in consortium, morbus incipit. Continuo enim augetur dolor, ita ut intra duodecim horarum spatium non raro per totius brachii circumferentiam propagetur. Dolorem per aliquod temporis intervallum perdurantem, vel ex irritamento incrementem, insequitur semper vel cum vel absque tumore atque cum tensione & pulsatione ut plurimum conjuncta inflammatio. Dolor nunc fit atrocissimus, & multoties per volam ac manus dorsum ad ligamentum annulate usque, inflammationem tumoremque ultra fines loci affecti digredi, observamus; & quod pessimum est, subinde supra hoc ligamentum iterum incipit, atque ad antibrachium & cubiti flexuram usque, quin ad axillas proficiscitur. Vasa lymphatica ipsa, vehementiori in malo a digito ad axillam, imo glandulae ipsae tumefactae ac dolentes observatae sunt. Sequuntur ex his saepe febres, insomnia, deliria, spasmi, convulsiones, syncope, nausea & vomitus, suppuratio bona vel mala, unguis delapsus, imo plana destructio, ut non recrescat atque saepe ultima phalanx funditus perdat; caries, osseum in gelatina resolutio, tendinum erosio ac putrefactio, gangraena & sphacelus subinde, imo mors ipsa. Fit aliquando, quod horum nihil conspiciatur ac morbus sit levissimus. Post curationem tandem unius vel alterius digitorum articuli remanet rigiditas subinde.

B

Necessa-

(*Symptomatum explicatio.*) Necessaria de symptomatum hoc morbo occurrentium explanatione allegare, hujus loci opportunum existimo, quae nunc aggredior. Dolor praesertim hoc in morbo exhibens symptoma, duobus ex fontibus scaturire videtur. Primo loco, vel ex- vel interno digito allato irritamento, aegro in initio in digiti aliqua parte efficiente dolorem. Nullum enim mihi innotescit exemplum panaritii consensualis. Ergo e re est, topicam irritationem ad dolorem provocandum, semper esse necessariam. Aliae enim dolorem efficientes causae, ut repletio, exinanitio, vel nimia irritabilitas morbum periculosiorem quidem procreare, nunquam autem panaritium edere valent.

Affligit irritamentum, ut supra denotavimus, non mediocri quantitate in digitis sparsos nervos, atque ex eorum irritatione dolor, ut primum symptoma quo aeger corripitur, originem trahit. BOERHAVIUS ad morbos nervorum inde numeravit hunc morbum. r) Raro dolor extra partem irritatae fines vagabitur, nisi irritamentum magnopere sit acerbum vel nobiliores digiti partes affecerit. Nunquam autem, ut in prima doloris invasione fuit dolor, permanebit, semper aliquo modo exaggerationem patietur aegrotans. Per experientiam probata exstant axiomata varia; primo scilicet, quod ir-  
ritatio

r) l. c. p. 238.

ritatio attrahat, deinde quod dolor per longum temporis spatium perdurans, pariat inflammationem, atque postea quo magis pars languens sensibilitate nervisque sit impertita, eo vehementior sit inflammatio. Nonne plane haec cum morbo nostro cohaerent? Sanguinis igitur in partem laesam fit impulsus major, manum & digitum constituentes tenaces & antea ad nutritionem necessariam tantum sanguinis quantitatem complectentes partes & nervi, nec non per irritamentum irritata, nunc praeter naturam contracta vasa, omnia haec resistantiam atque impedimentum afferunt, quo minus extendi, affluxuique sanguinis aucto locum cedere queant. Quod per autores quoque corroborare possum; sic legimus apud Cel. DE HAEN dicentem: *in omni loco ubi potest inflammata pars tumere, minus dolet.* s) Et DIONIS expressis verbis asseverat: *Le panaris est le plus douloureux apostème, parce que l'extrémité des doigts ne peut pas s'étendre, autant qu'il faudroit.* t) Dolor inde ortus, omnesque vicinos nervos in consociationem trahens, acutissimus evadet, unde ejus expansio in confesso esse videtur. Ecce nunc doloris ejusque tramitis secundam originem. Ad inflammationem quod spectat, iisdem ex causis proximis sive fontibus, ut dolor, proflire videtur.

Irri-

s) l. c. p. 211.

t) Cours d'operations de chirurg. p. Mfr. de la Faye p. 723.



Irritatio attrahit, ergo ex irritatione humorum auctior affluxus, atque ex languentis partis resistantia sanguinis transitus cohibetur, quem inflammatio inevitabilis consequi debeat. Propter hanc nimiam resistantiam, ut gangrænam pariat inflammatio, sæpe ad illum gradum ascendit. u) Dolorem porro edere inflammationem per observationes compertum habemus, quo magis locus abundat nervis, eo peior erit dolor, ergo etiam inflammatio. Mihi est proximus HILDANVS verbis exponens: *ex doloris vehementia cito concurrunt humores, qui inflammationem & tumorem excitant, tota manus inflatur subinde, propter doloris vehementiam.* x) Dolor ergo phlogosin, atque inflammatio iterum dolorem progenerat. Nunc autem recentiorum egregia explicatione, inflammationis natura, humorum præternaturalem affluxum, vasorum ex irritatione factam constrictionem complectitur; digitorum structura singularis, sanguini affluenti impedimentum transitus opponens, ruborem atque tensionis sensum manifesto declarat. Porro inflammationis naturam in parte ægra humorum motus auctus constituit. Connamen naturæ ad resistantiam superandam eo illucescere videtur, indeque pullationis sensatio certissime petit ortum. Tumorem, ex sanguinis confluxu

u) III. RICHTER praeceptor summæ venerandus, Wundarzneykunst, 1 Band p. 70.

x) Observat. & curat, chirurg. Centur. I. Obs. 97.



confluxu indeque orta distentione vasorum ac repletionem oboriri, asserere ausim. Cui etiam tam rubrorum, quam lymphaticorum vasorum atque nervorum conspirationi haud immerito tumoris expansionem adscribere licet. In brachio ubique sparsa magisque sanguine repleta nempe vasa, tumorem prolixius dispergere posse, quis est, qui negabit? Nervorum memorabilis consensus eo modo dolorem, ultra digitum ægrum propagare videtur. Febres ex dolore & per illum concitata nervosi systematis irritatione concussioneque initium ducunt. Plexus scilicet brachiales nervis brachii originem suppeditantes, immediate ex medulla spinali maximam cum cerebro aliisque corporis humani nervis conspirationem habente, prodeunt. Quis est, qui nunc inficiari tentabit, mirabilem illum consensum feбри aliisque symptomatibus justam præbere posse ansam? vehemens systematis nervosi concussio ad cor propagatur, spasticam in eo commovet contractionem, ut circulatio velocior evadat, febrisque pariat. Haud ægre enucleandum nobis nunc erit, unde syncope, convulsiones, nausea, vomitus, delirium ac insomnia sumant fontem primitivum. Systema nervosum per irritationem, inflammationem, subinde per animi affectus quoque agitatam, nunquam absque noxa has impressiones ferre solet, quod omnes tam vitales quam animales atque naturales functiones præter modum his non affligerentur. Probationis

B 3

ratione

ratione huc pertinentia axiomata referri mereantur; quod dolor videlicet febrem convulsionesque edere valeat, nec raro enervationem, quæ spasticæ lipothymix originem declarat: Suppurationis bona vel mala conditio a morbi sede, corporis constitutione, causa morbi atque curatione communiter pendere consuevit. Puris mala ratio vel in parte affecta diu retentione protracta, vel in corpore ipso orta, corrosioni partiumque destructioni, & unguis delapsui præbet fomitem sufficientem, unde phalangæ caries quin & detrimentum e re est. Gangraenæ sphacelique causa proxima alium considerationis commodiorem locum occupabit. Quibus ex causis enascatur rigiditas, alio loco uberius mihi erit sermo. Ad ossium in gelatinam conversionem denique quod attingit, acrimoniam quandam corpori inquilinam, quæcunque erit, & vi ossis partes terrestres solvente, præditam, jure accusare molior.

#### CAP. IV.

##### *De morbi in stadia Et species divisione.*

Morbi decursum paululum accuratius per-  
lustrans & perpendens, morbum non semper  
sibi similem esse, variaque inde morbi tempora  
nec non species jure stabiliri posse, quisque  
haud ægre animo complectetur. Medici mor-  
borum internorum decursum, ut habeant vias  
ad quas judicium in indicationum formatione di-  
rigere

rigere possint, varia in stadia separant, ita et rationali chirurgus tale ornamento erit negotium, sibi curationis viam comparare atque munire.

Quatuor in stadia sive tempora commode morbum nostrum dividi posse, credo.

- 1) *Stadium irritationis sive initii,*
- 2) *Stadium inflammationis,*
- 3) *Stadium suppurationis,*
- 4) *Stadium gangræne & sphaceli.*

Inter titivilitia hanc divisionem recipi non mereri, ex rationibus & auctoritate comprobabo. AËTIUS pararitium am in incipiens, inflammatum, suppuratum & exulceratum discernit. y) Sic AVICENNA alique. Cujuslibet stadii existentiam ut probem, ejusque signa enarrem, operam nunc infigam.

I. (*Stadium irritationis*) *Stadium irritationis s. initii s. primæ invasionis*, ut appellare iubet, solum noscitur ex dolore in aliqua digiti parte urgente. Unicum hoc in stadio urgens est symptoma atque irritamenti externi vel interni prima & necessaria sequela. Probant quoque varii auctores. Sic FABRIC. ab AQUAPENDENTE ait: *vitium hoc inter initia, cum scilicet incipit digitus dolere, hoc est, in prima doloris invasione, neque adhuc in digito tumor ullus aut rubor apparet.* z)

B 4 *incipientis*

y) l. c. cap. 75.

z) l. c. cap. 103.



*incipientis affectus signa sunt dolor circa digitorum extremitates, exiguus, levis, tolerabilis.* a) Et alio loco; *in primis diebus dolor exiguus percipitur, inde fit, ut Chirurgus non in auxilium vocetur.* b) WEDEL his verbis notat: *imminentem infaustum hospitem denotat dolor exiguus, levis, & adhuc tolerabilis.* c) BARBETTE dixit: *dolor vehementissime agrum torquere solet, ut neque nocte neque die somnum capere possit. Hunc accedit inflammatio &c.* d) Alias adhuc rationes in medium proferre necesse est. Inflammatio semper dolorem insequitur, teste etiam experientia & observatione omnia phlogoseos signa in morbi principio absunt. Primo irritamentum omnino tempore sensiles nervos commoveat; priusquam oboriatur inflammatio atque humorum affluxus nanciscatur. Causa semper præcedat effectum, harumque partium firma conformatio earum dissolutionem atque inflammationem omnino in morbi initio cohibet. Remedia tandem illa empirica, quorum non exiguum habemus numerum, quorum alia revera progignunt phlogosin v. g. ungnt. neapolitan, & theriaca aliaque irritantia, imo theriaca ipsa in sphacelo ad inflammationem provocandum adhibetur; quomodo nunc panaritium ad sanationem perducere valeant hæc remedia, nisi ab inflammatione diversum existeret.

a) l. c. cap. 10. pag. 20.

b) l. c. cap. 7. pag. 14.

c) l. c. pag. 13.

d) Chirurgia pag. 3.



ret stadium? Sufficiens hæc, ut credo, ad meam sententiam probandam, atque ad stadium secundi contemplationem progrediar.

II. *Stadium inflammationis.* Non multo post, ut supra denotavimus, ex dolore consequitur inflammatio, quod testatur HILDANUS, dicens: *Statim in initio fiat incisio, alioquin ex doloris vehementia cito concurrunt humores, qui inflammationem & tumorem excitant.* &c. e)

*Symptomata* diagnosin præstantia in phlogosi, in duos gradus discernere cogor.

1) In primo levissimo autem gradu generalia inflammationis symptomata occurrere tantum consueverunt; tumor nempe, rubor, partis ægræ calor atque dolor. Rarissime hæc ultra digitum affecti fines transgredi observantur. Raro tensionis & pulsationis sensatio vera ægrum urget, nisi in exercitatis ex crassa, densa extensioni impedimentum afferente epidermide.

2) Secundo in gradu dolores atrociores imo atrocissimi evadunt, non raro per totius brachii ambitum ad axillas usque pertenduntur. Tumor ruborque aliquando, fere plane non digitum corripunt, subinde autem maximus, ita ut totam manum brachiumque inflatum deprehendamus. In vehementissimo gradu vasa lymphatica dolere ac intumescere incipiunt per totius brachii longitudinem. Notata hæc symptoma-

ta statum corporis integrum in febres, convulsiones, liphothymiam, insomniam atque deliria commutare conantur.

III. *Stadium suppurationis.* Stadium tertium duo iterum alia complectitur, *incipientis* nempe atque *confectæ purulentæ*.

1) Incipientem puris collectionem noscimus ex dolore omnibus pharmaceuticis aliisque auxiliis convenientibus obstinate repugnante, & continuo ingravescente quod etiam asseverat HIPPOCRATES inquiring: *dum pus conficitur, dolores & febres accidunt magis, quam jam confecto.* f) Porro incipiens perspicitur suppuratio ex inflammatione in omnia remedia continua vertente, & tumore duro volumine crescente.

2) Confectam purulentiam ex vehementissimo pulsante atque derepente remittente dolore, ex febre evacuatione critica experte, si adfuerit, ægotantem fugiente. Porro ex horripilatione turbatur æger; in ægra parte ponderis, frigoris & obscuri doloris sensus percipi solet. In media tandem inflammationis parte nec raro fluctuationem, atque oculorum conspectui sub cute puris subjectam collectionem observamus.

Ad cariem, tendinum erosionem, & in eorum vagina suppurationem natam in hoc stadio occurrentia eorumque signa quod attinet, postea prolixius verba mihi sunt facienda. Alium hunc locum

f) Aphor. Sect. 2. Aphor. 47.

locum, pro horum symptomatum contemplatione, commodiorem existimo, propter horum affectuum, clausa cute, priorum signorum absentiam, quæ igitur post operationem, vel cutis spontaneam rupturam primo in conspectum veniunt; porro propter eorum non semper occurrentem præsentiam. Hoc stadium enim non semper comitantur.

IV. *Stadium gangrenæ & sphaceli.* Quarti stadii gangrenæ & sphaceli nempe, hujus loci mentionem facere non incongruum credidi. Huic morbo familiare esse non solet, sed ne amitterem aliquid quod huic morbo fortuito quoque occurrere soleat, id stadium hic tractare mihi est consilium. Signa Chirurgo artis perito satis nota supponam, ut vix de his allegare aliqua mihi sit permissum. Integritatis gratia ecce necessaria. Partem ægram omni calore atque sensatione destitui observamus. Colo antea ruber in fuscum ac cæruleum abit, solida mollescunt atque non mediocrem fœtorem spargere incipiunt. Omnia hæcce stadia, ut postea monstrandum mihi erit, ad rectam indicationem, & medendi methodum stabiliendam cynosuram mihi præbebunt.

Dum specierum considerationem callere nunc mihi est animus, harum campum ab antiquissimis temporibus non satis exaratum invenio & *confuse*, ut cum Cl. CAMPER loquar, *recentio-*



*res id vitium tractant, dividentes in plures species morbum, qui natura sua simplicissimus est.* g) Veteres fere omnes de divisione in species nullam fecerunt mentionem. (CELSVS h), AëTIVS i) alique de panaritiq circa unguem solum hærente locuti sunt, quod de tota extremitate, se dixisse credit GLANDORP. Panaritium non semper habere eandem similitudinem, quis est qui non intelligit, si morbi decursum consideret? aliquando morbus est levissimus, alio tempore periclitatur, imo de vita periclitatur æger. Porro non unam eandemque partem panaritio semper affici, observamus, & eandem modendi rationem non semper sufficere. Morbi in species divisionem igitur præbendam non absolum esse, ex his lucide conspicitur. Ad nauseam usque autem morbus hic passus est divisiones, ita ut hodie non exiguus exstet specierum numerus, Chirurgo practico mentem in diagnosi morbi & curatione omnino perplexam reddens. GLANDORPIVS duas in medium profert species, in superficie ad radicem unguis, vel digiti extremitatem, atque alteram sub periostio, quæ ad nervosas, tendinosas & cutaneas partes extenditur. k) WIESEMANNO in *benignum & malignum* separare lubet panaritium. l) Benignum illud

g) l. c. pag. 6.

h) Lib. de medicina Lib. 6. cap. 19.

i) l. c.

k) l. c. cap. 12.

l) Eight chirurgical treatises Tom. I, pag. 90.



illud vocat, quod in cute hæret, & malignum, quod tendinum vaginam & periostrium occupat. Ego cum eo non sentio; illud enim, quod benignum app. llavit, ex perversa curatione vel mala corporis constitutione in gangrænam transire potest, quod satis tunc malignum occurrit. Malignum per se non est malignum, sed ex inepta medendi ratione, vel ægrotantis negligentia, vel malo corporis statu in malignum degenerat. Nunquam autem in malignitatem vertetur, si tempestiva & integræ medendi methodus ei opponatur. Ad morborum malignitatem corporis habitus non mediocres affert suppetias. Sic in cacochymico corpore, fere nihili momenti læsio externa, malignitatem assumere potest, ubi e contrario in integro morbus erit levissimus. Tandem hæc divisio a morbo sibi relicto vel neglecto est desumpta. Ob simplicitatem autem aliorum divisionibus præferri meretur. BOERHAVIUS septem panaritii species nobis reliquit. m) Cl. DE HAEN decem specierum catalogum scriptis mandavit. n) Qualem confusionem in diagnosi & hujus morbi curatione, supervacua hæc divisio in Chirurgi animo producat! Omnium quidem specierum signa annotare conatur Cl. DE HAEN, multæ autem harum specierum symptomata sibi habent analoga. Si autem plures species simul intercurrunt, quid tunc agendum?

Fac

m) l. c. p. 243.

n) l. c.

Fac fieri posse, quod Chirurgus quamlibet speciem cognoscat, qualem indicationem practicam inde traheret? ut ego credo, nullam. Quid ei ergo proficeret ampla hæc divisio? Recentioribus hodie, in quatuor species, stabilita divisio, sedem morbi in cute, in vagina tendinum in perioostio & sub ungue complectitur. PLATTNER. o) GARENGEOT. p) LE DRAN. q) PLENK. r) alique hanc divisionem nutriunt. Hic morbus frequentissimus indeque observationi causam præbens optimam, tamen inter autores hucusque in medium de hoc morbo prolatos scripta, ratione naturæ & sedis non constituunt ideam distinctam atque divisionem. Fere omnes in accurata divisione & specierum distinctione, porro in symptomatibus quæ cuilibet speciei propria allegant, non conveniunt. Sic v. g. tendineo panaritio attribuit tumorem PLATTNER s) quem plerumque adesse subinde etiam abesse affirmat GARENGEOT t) In perioostiali PLENCKIUS inflammationem a humero usque propagari, manum imo brachium intumescere, gangrænam & glandularum axillarium inflationem sequi annotavit. u) SAGAR iterum in hac specie symptomata

o) Institut. chirurgiæ edit. a Krause pag. 58.

p) Traité des opérations de chirurgie Tom. 3. pag. 300.

q) Operations de chirurgie pag. 42.

r) Systema tumorum, pag. 65.

s) l. c.

t) l. c. pag. 286.

u) l. c. pag. 57.

nata non in brachium sese extendere asseverat;  
 x) & sic porro. Ampliorem contradictionum  
 farragineam lectori adhuc tradere possem, nisi  
 ejus animum accendere timerem. Ex his in  
 confesso esse videbis, autores specierum signa  
 perpetuo confundere, & in diagnosi ac cura Chi-  
 rurgum, quamnam habeat speciem ad tractandam,  
 sæpe angore æstuari debere. Me non in tene-  
 bris versari credo, si contendam, quod variae hæ  
 falsæ distinctiones ac symptomatum contradic-  
 tiones, ex specierum complicatione vel collisione  
 sint ortæ. Nunc ad meam, & ut mihi videtur,  
 necessariam practicam divisionem me convertam.  
 Divido igitur panaritium.

#### I. Ratione loci quem occupat.

- a) In *palmare*, quod digiti palmam afficiat.
- b) In *dorsale*, quia digiti superficiem dorsa-  
 lem occupare soleat. Sive *unguiculare*, quia  
 circa unguem obsideat. Haec species ju-  
 re *πτερυγία* vocari meretur, quam Galli  
*Mal d'avanture* s. *Tourniole* vocari consue-  
 verunt. y) Alii *Uponychiam* s. *Hyponychiam*  
 appellarunt.

#### II. Ratione sedis ubi hæret panaritium tam pal- mare quam dorsale iterum sejungere cogor.

- a) In *profundum*.
- b) In *superficiale*.

Hæc

- x) Systema morbor. sympt. Pars I. pag. 56.
- y) GARENGEOT l. c. pag. 286.

Hæc divisio WEDELIO originem debere videtur z).

### III. Ratione diuturnitatis sejungo.

a) In *acutum*.

b) In *chronicum*.

Nunc de quavis specie, ratione diagnoseos speciatim disseram; quaelibet enim species propria sua habet symptomata, quibus ab aliis speciebus distinguere valemus.

Ad primam speciem quod attinet, aquam cribro haurire viderem, si operam ad signa impenderem enucleanda. Ad secundam autem divisionem eo melius intelligendam hanc præmittere, non inutile esse existinavi.

(*Superficiale palmare panaritium*.) Superficiale palmarem speciem illam voco, quæ superficiales palmæ digiti partes s. cutaneas & organon tactus aggredi consuevit. Est vera inflammatio aliis in partibus simili modo apparens, ergo cum illi phaenomenorum perpetuorum ratione conveniat. Incipit cum dolore sensim sensimque ingravescente, aliis partibus graviore, quem insequitur tumor, rubor atque calor. Aliquando pulsationis ac tensionis sensu aliquo conqueritur æger. Facillime in suppurationem transitum experitur hæc species. Ratissime supra locum affectum expanditur, sed corporis habitus

z) l. c. pag. 12.



bitus ejusque mollities atque irritamenti vehementia fines terminosque constituent tumori atque inflammationi. Signa inflammationis autem notata hanc speciem formantia & perpetua sunt. Specierum symptomata ab inflammationis stadio describere inchoare cogor, in irritationis stadio enim, omnes sese attingunt species, unde vix est enucleandum quam partem præcipue occupet dolor.

(*Palmare profundum panaritium.*) Palmaris profunda species, mea sententia, illa appellari meretur, quæ sub panniculo adiposo locatas partes affligere solet. In unam speciem igitur colligo, quam alii in *vaginalem* & *periostialem* discernere conati sunt. Cur hanc divisionem non foveam, rationibus nunc evinciam. Autorum præter dissentium quem supra jam notaverim aliæ dantur adhuc rationes. Si periostialis atque vaginalis, conciliatæ ægrum corripunt, ut species nunc distinguat, nonne angustis præmeretur Chirurgus? Alio tempore autem, quando cum superficiali complicata occurrit profunda, ex signis, quibus postea sermonem faciam, experte difficultate illucescet differentia. Ipse casum quo periostialis vaginalis cum superficiali complicatæ apparebant, me vidisse commemoro. Et ut brevibus dicam verbis, tam in vaginali quam periostiali una eademque, ut postea monstrabo, medendi ratio est necessaria. Ergo stadium inflammationis nullam ad has species exhibet differentiam practicam. In stadio suppurationis in quo caries & sinus purulentia repleti ali-

C

quando

quando in conspectum venire solent, tunc divisio hæc nihil ad nos, post cutis apertionem primum in conspectum veniunt, & proprii sunt morbi, propriam igitur curationem postulant. Tandem quod periostrium ex causa externa solum affici posse, vix credibile est; de causa interna hoc fieri posse, si concedere vellem, nunquam proximæ partes inflammatione illæscæ evadent; hæc enim experientia teste loco irritationis fere nunquam terminatur, sed modo non semper in totius, ab irritamento occupantis loci, ambitum expandetur. Modo non pendet mihi animus, quod vera periostrialis existat. Cur non in chronica specie oboriantur hæc symptomata? ubi os solvitur & procul dubio periostrium læditur. Physiologi etiam ratione sensibilitatis periostrii, operi nondum imposuerunt supremam manum. Num periostrium ita nervis abundet, ut ex ejus læsione dira symptomata oboriantur, abunde nondum exaratum est. Incisionem ad os usque protractam malum leniisse, omnibus his rationibus dubium non imponit. Forsam ligamentosa ossa combinantia sæpe inflammatione correpta fuerunt, quorum incisio per sanguinis profluvium & relaxationem inde factam, sedavit dolores. Incisio ad digiti latera ab autoribus laudata eundem præstat effectum; notum enim, quod & ligamentosa digitorum latera præcipue obsideant. Quo vehementior nunc est irritatio, eo magis humorum affluxus excitabitur, eoque vehementiora fient symptomata. Omnia hæc qui mecum consideraverit, mecum quoque sentiet, species has anxie petere non necesse esse. Nunc symptomata hanc speciem

ciem denotantia indicabo. Dolor hac in specie est acutissimus. WEDELIUS ait: *profunda nervos, tendines, ossa &c. immanissimis cruciatibus ac doloribus premit.* a) - Dolor hic, priori specie, vehementius crescit, ad condylum humeri internum, quin & ad axillas usque sæpe penetrat, ægro onnem eripit somnum, febrem, delirium atque convulsiones prognerat subinde, ita ut vitæ quandoque sentiant ægri periculum. Cl. DE HAEN exempla insecutæ phrenitidis & mortis intra triduum se vidisse asseverat. b) Pulsationis profundæ atque magnæ tensionis sensu cruciatur ægrotans. In morbi initio locus nec tumet nec rubet ac cutis colorem haud excedit; in progressu autem tumor aliquando exsurgit qui manum occupat, quin & in brachium sæpe agit radices, ac summum minatur periculum. GARENGEOTIVS in articulationum intervallis parvum tumorem initium sumere observavit. c) Glandulæ axillares cum brachii vasis lymphaticis tumere & dolere observata sunt. Ecce secundi stadii signa. In suppurationis stadio, nisi tempestive opem tuleris caries, tendinum corruptio & destructio nec raro purulentæ in vaginam adscensus, proximarumque partium resolutio insequi consueverunt. Ceterum hæc species, priori, ægrius in suppurationem inflammationis transitum admittit. Huic speciei, priori, familiarior est, aliquando superveniens gangrænæ & sphacelus.

*Super-*

a) l. c. pag. 12.

b) l. c.

c) l. c. pag. 301.

C 2

(*Superficiale dorsale Panaritium.*) Superficialis dorsalis f. unguicularis sub cute unguis ambitum contingens species, ex veræ inflammationis signis manifestatur; præcipue serito non absimili tumor unguis circumferentiam subinde stipare in morem habet. Præter dolorem vehementem in mollioribus rarissime progignit periculosa symptomata. Resolutioni ut plurimum impedimentum asserre, & cum unguis delapsu in suppurationem transire consuevit.

(*Dorsale profundum panaritium.*) Unguicularis f. dorsalis species profunda sub unguis radice vel corpore versari animadvertitur, atque ex causa prægressa, ex vehementi sub ungue urgente, continuo ingravescente, symptomataque febrilia &c. excitante dolore cognoscitur; & ut paucis dicam; omnia illa in profunda palmari specie notata phænomena huic speciei ad de repere in morem habent; nec tumor nec rubor observatur &c.

(*Acutum panaritium.*) Acutam speciem ob ejus brevitatem & cum illa sociatum periculum statuere necessarie habui, atque talem hucusque descriptam. invenies.

(*Chronicum panaritium.*) Chronica species illam appellare opus est, in qua brevitatem & periculum absunt, atque per longum temporis spatium faevire consuevit. Talem ex accurata observatione tractam primo nobis præbuit Cel. ACREL, quam *aridum panaritium* appellavit & sequentia habere signa testatur. d) In digitorum phalange extrema æger corripitur dolore aliquando remittente,

inter-

d) l. c.



interdum iterum incremente, eumque per plures annos cruciante. Rarissime, nisi post longum annorum intervallum tumor frigidus existit. Phalangis ipsius os in carnosam, glutinosam vel adiposam ut plurimum resolvitur substantiam.

## CAP. V.

### *De symptomatum species contingentium explicatione.*

Non expectes ut illorum supra jam generaliter exhibitorum symptomatum interpretationem asseram, de præcipuis singularibus verba facere mihi tantum est animus.

In specie palmari superficiali, cur inflammatio hac in parte aliis graviores generet dolores, tribus ex fontibus hauriri posse videtur. Primo ex epidermide dura, densa in exercitatis apparente, & digiti palmæ contra injurias externas parmula quasi inserviente, atque humorum confluxui aucto resistantiam asserente. Deinde ex nervorum affectu; docet enim anatomica digitorum fabrica, eorum apices præ aliis partibus nervis ornatas esse, ergo eorum irritatio ac distentio ex inflammatione non mediocres procreare debeat dolores, præsertim in delicatulis. Postea supra jam notatum ligamentum cutaneum influxui humorum resistantiæ an- sam aliquam præbens, papillarum nervearum majorem efficit tensionem per ejus distentionem, atque per nervorum conspirationem gravissimus dolor subinde evadit. Duo hæc momenta semper considerationem movent, primum autem quando-

C 3

que

que accedit, atque irritatio ac inflammatio iusto graves urgent, ita ut pulsationis atque tensionis sensu coarctari possit ægrotus. Nunquam, autem ut in aliis speciebus, scaturiunt symptomata ita gravia. Advolantibus humoribus obstaculo quidem sunt partes, aliquo modo iis tamen locum cedere valent. Rubor hic conspicuus ex plurium vasorum, antea sanguinem non continentium, repletionem, aliquando etiam sanguinis extravasatione originem trahere verisimile est. Extravasatio forsitan effecit maculas, quas vidisse asseverat HILDANUS. e) Puris rudimentorum abundantia facillimae suppurationis fortasse præstat causam. Evidente observatione loci pinguedine exuberantes, puri non exiguum exhibent nutrimentum; digitos autem circumstipans cutis cellulis, tenace sebum continentibus repleta est, unde puris haud ægra conclusio facile explicationem admittit.

Profunda species gravioribus symptomatibus amplectitur. Dolorem primo attentionis nostræ dignum & præcedenti specie atrocior, sequenti modo existere, crescere, ascendere aliaque symptomata proferre, iudico: originem acutissimi doloris, nervulis illis ex mediano progredientibus, & ligamentis vaginalibus, annulosis articulationum & membranae tendinum communi tendinique ramis cedentibus, attribui posse, credo. Nervi ex irritatione phlogosique affecti, hi enim præprimis afficiuntur, & tendinosæ partes tenacissimæ nullum fere locum humoribus concurrentibus cedentes

e) l. c.

tes, immanissimum declarant dolorem, exinde ejus incrementum in confessio quoque est. Expansio doloris nervi mediani & cubitalis cum aliis brachii anastomoses formantium conspirationi adscribi potest.

Denique experientiae exemplo, omnes ligamentosae tendinosaeque partes, ex laesione nervi eas comitantis, & inflammatione correptae vehementissime doloribus cruciant aegrotantem. Cur in morbi initio nec tumor nec rubor conspiciatur? paucis verbis dicam: in morbi exordio statim tumor exsurgere nequit, ob magnum quod contra sanguinem allabentem nitatur impedimentum; in consequentiam autem ligamentis vasis abundantibus itaque inflammationi ansam sufficientem praebentibus, atque pluribus phlogosi molesta correptis partibus, tumor magis conspicuus fiat, & cum superficiali specie concilietur haec species. Tumoris in manum & brachium penetratio, ex digiti resistantia ejusque, omnem allabentem sanguinem recipiendi, exiguo volumine, ut mihi vero propius est, satius explanari potest. Vasa omnia in brachium se spargentia enim, sanguinis simul rarefacti nimietatem recipere coguntur, & brachii intumescencia atque inflammatio haud aegre insequi debet. Intervallorum digiti tumor a GARENGEOTIO observatus, ex minori, articulis, in his existente resistantia gigni videtur, articuli enim abundantia ligamentorum gaudentes majus afferunt obstaculum. Rubor, hac in specie nullo alio modo, nisi in complicatione cum superficiali conspicuus, fieri potest. Glandularum axillarium vaso-

C 4

forum

rumque lymphaticorum tumor ex majori in cellulofam exhalatione lymphæ ac reforptione featurire videtur. Necesse enim, quo copiofior fit exhalatio, eo magis fiat reforptio, & vafa vi propria, ut lymphæ abforptæ nimietati opponere fe poffent, defftituta, tumere debent. Difficilior puris in hac fpecie collectio, ex, in priori fpecie, allata ratione contraria, palam eft. De gangræna & fphacelo fuperveniente alio loco fermonem præftabo.

Superficialis dorfalis, cur fere femper fupurationem pati debeat? non nihil ex fanguine inflammatorio ftagnante, ex parte quoque ab effufione deduci poffe videtur. Ceterum cum fub epidermide ut plurimum hæreat malum, dolores non exiftunt vehementiffimi. Ligamentum laterale fubtenfum aliquando pro vera caufa horum fpectari meretur, unde enunciatur, quomodo HILDANUS tam felici cum fuccelfu inftituere poterit incifionem. f) In profunda dorfali fpecie fymptomata, ut in profunda palmari, eadem gaudent origine. Papillæ nerveæ fub ungue fparfæ ac unguis ipfius refiftentia, diris illis fymptomatibus fufficiens præbent nutrimentum.

In chronica fpecie, dolor per longum temporis intervallum perfeverans, inde ortum fortaffe fumat, quod morbus fola offa, qua partes



tes, mollioribus, minori sensibilitate præditas, affligat. Cur autem remittat & de novo incre-  
scat explicationi submittere non audeo.

## CAP. VI.

### *De causis prædisponentibus.*

Omnis fere morbus suam habeat causam prædisponentem ac occasionalem, ergo etiam panaritium; causa occasionalis enim prædisponente experte nullum morbum procreare valet. Hujus loci primo de proegumenis varia adjicienda sunt.

Aetas juvenilis, reliqua tamen non exclusa, imprimis hoc malo corripitur, magna ex parte propter majorem ad phlogosin dispositionem, partim ob vitam exercitatum & injurias externas, quibus hæc ætas vetustiori magis obnoxia est. Corpora plethorica integra, & cacochymica panaritio suppeditant proclivitatem. Talia ex levissima injuria externa læsa corpora, gravibus concutiuntur symptomatibus. An hæreditaria existat prædispositio? An præternaturalis corporis sensibilitas prædispositionem exhibere queat?

Temperamentum calidum s. cholericum atque sanguineum ad hunc morbum propensum est. Victus lautus, ob inflammatoriam quam generat dispositionem. Vita sedentaria atque exercitata. Prima malam corporis parit consti-

tutionem, aliaque multas offensiones externas complectitur.

Ratione injuriarum externarum opera varia manualia ad panaritium primum faciunt. v. g. Lotrices, Nentes & Sartores sæpiissime hunc morbum patiuntur.

## CAP. VII.

### *De causis occasionalibus.*

Ad causas occasionales s. procatarticas quod contingit, in duas classes, in *externas* scilicet & *internas* dividere necesse est.

(*Causæ occasionales externæ.*) Ex calore & frigore, imprimis autem ab inæqualitate subitanea, ut quando ex aëre rigida membra statim foco calido admoveantur: vel vice versa calentia extrema aquæ frigidaë immergantur. Hocque comprobatur effatum divini HIPPOCRATIS, *omnem nempe subitanæ mutationem esse periculosam*. Ideoque lotrices sæpiissime hoc morbo corripiuntur. Occurrit inde frequentius in hyemali anni tempore. Vulnus punctura factum in digito, cum acuto instrumento e. g. cum acu, ideo sartores nentesque subinde hujus morbi molestiis premuntur. Festucæ ligni, ossium, vitri &c. digito intrusæ. Digitorum contusio & compressio. Morsus apum, relinquunt aculeum digito dolorem vehementem efficien-

tem,

tem. Leve vulnus quodcunque. Acria externa. Combustio. FELIX PLATER observavit quod ancillæ, vasa impura indies aqua ferruente eluere solentes, digitos frequenter exurant, adeo ut unguis illarum incurventur, indeque paronychiam sibi comparent. g) GLANDORPIUS nentibus & digitos sugentibus, manusque frequenter sapone cui permixtum oleum tartari, lavantibus, hunc morbum sæpe occurrere vidit. h) Furia infernalis malignam & vehementem excitat paronychiam. i)

(*Causae occasionales internae.*) Causarum internarum occasionalium existentium comprobare videntur, quod panaritio languentes sponte & successively aliquando plurimis digitis afficiantur, quod porro epidemice grassari observatum fuerit.

Causa epidemica igitur ad internas referri debet. Metastasis materiæ cujusdam acrimoniæ præditæ. Quam sententiam veteres, & recentiorum TOMLINSON k) aliique præcipuè callere videntur. Infantibus hæc causa occurrit aliquando, in sphacelum transit panaritium, decidunt digitorum apices, vel subsequentes phalanges, sed in epiphysebus. l) Ceterum rem indecisam relinquo

g) Tract. 2. de morbis cap. 17.

h) l. c. cap. 11. pag. 22.

i) SOLANDER l. c.

k) The medical miscellany pag. 64.

l) CAMPER l. c. pag. 6.

relinquo quod verum panaritium detur metastaticum, omniaque a metastasi orta panaritia, quæ autores referunt, a causa interna pependisse, atque panaritium hujus causæ internæ effectum fuisse, credo. Metastasis enim verbum morbi in alium locum digressionem vel imperfectam crisin significat, & in hoc sensu, si res ita ferat, hujus loci metastasis explicari potest. Veram enim morbi cujusdam digressionem ad digitos propter densam eorum constructionem fieri posse, vix credo. Variolas, scorbutum, scrophulis, virus cancrorum inter causas internas adnotavit GARENGEOT. m) In puellis duodecim, quatuordecim annorum natis, quibus annis menses plerumque fluere incipiunt, hunc morbum oriri vidit VESTI. n). Aliæ adhuc causæ internæ v.g. venereum miasma, exanthemata retropulsa, materia rheumatica, arthritica, quam in chronica specie pro causa verâ propemodum accusare vellem, hoc malum creare posse, quis est qui negabit?

## CAP. VIII.

### *De causa proxima.*

Causam proximam cum Ill. GAUBIO illam vocari solemus, quæ ex remotarum nata, sola, integrum morbum constituit, ut in dissolubili  
nexu

m) l. c. pag. 291.

n) Dissert. de paronychia. Erfordiae 1704.



nexu cum eo cohæreat. o) Inter autores propter panaritii causam immediatam non exiguus agitur dissensus. Veteres fere omnes causæ primoprinx fontem in humorum massa scrutari conati sunt. Alii biliosum, vel melancholicum sanguinis statum, alii acrisalinam humorum conditionem, alii partium sulphurearum & biliosarum efferfescientiam, alii putrefactionem, alii inflammatorium sanguinis statum pro causa proxima accusant, et sic porro. Quænam indicatio practica inde est haurienda? ut is sanguis corruptus evacuetur? sed incisio non sufficiet, tali enim in prava humorum conditione solida procul dubio quoque affliguntur, de horum autem ratione nihil professi sunt. ALBINUS remis velisque in harum sententiarum refutatione fixit opêras. p) Omnes autem has veterum opiniones plane ad incitas redigere velle, fas non esse, judico. Talem humorum conditionem pravam, occasionalem causam internam præstare posse, cui hoc negare in mentem veniet? certissime febrium modificationibus hoc morbo subinde occurrentibus rationem quoque habuerunt hi viri prisce egregii, atque humorum conditionem pro causa proxima quandoque æssimarunt. WEDELIUS humorum affluxum auctiorem pro causa proxima

o) Instit. patholog. pag. 26.

p) Dissert. de paronychia, Francofurti ad Viadrum 1694.

xima habet. q) HEISTERUS haerentem stagnantem & inspissatum sanguinem causam primoprimam constituere credit, & ex pulsu ac aestu partis affectæ judicat. r) HILDANUS extravasatum pro causa proxima habuit, & in stadio nostro irritationis ad hoc expellendum jam commendavit incisionem. s) Multi recentiorum hanc opinionem fovent, v. g. GARENGEOTIUS adeo in panaritii definitione sua hanc sententiam recepit. t) Autor operis cujusdam de tumoribus atque ulceribus tractans, dira illa symptomata ex lymphâ inclusa ortum trahere asseverat. u) Duas idem causas solum occasionales externas & sua opinione semper extravasationem edentes statuit, contusionem scilicet & vulnus punctura factum. Ex his colligit quod effusio causa sit immediata, inflammatio autem aliaque symptomata qua effectus respicienda. Adversus autem omnem experientiam sentit autor, existant enim multæ causæ procataccticæ aliæ, nullo modo effusionem producentes, v. g. morsus apum, acria externa; *Plateri* observationes hujus loci sunt. Nec minus autor vocat in controversiam experientiam, ratum faciens, quod contusio atque vulnus punctura factum nunquam non edat humoris ejusdam

q) l. c. pag. 8.

r) Institut, chirurg. pag. 1143.

s) l. c.

t) l. c. pag. 283.

u) Traité des tumeurs & des ulcères Vol. 2. pag. 160.

dam effusionem. Alii adhuc hujus causæ defensores plures in medium proferre rationes moliuntur, affirmantes: perpetuo ex parte ægra incisa, præternaturali colore humorem præditum promonare se observasse. Quibus rei consultus GARENCEOTIUS reclamationat, dicens: *promanat aliquando aqua clara parca quantitate, subinde vero plane nihil.* x) Negare non audeo, quod materia pravæ indolis quandoque effluere possit, sed causa metastatica talem materiam præbebit, quæ vero in occasionalium internarum causarum numero complectitur, & nullo modo ad causam proximam referri debet. Chirurghi cura in eo tunc consistit, internam hanc causam indagationi curationique suæ quoque submittere, sola incisio nunquam sufficiet. Ceteris in casibus fortuito accedit extravasatio, si v. g. in contusione vel ex atonia, vel vasorum dilaceratione oritur effusio, pro causa proxima hujus loci non habenda est, vasorum autem atonia causam exhibet proximam, adstringentia vasorum tonum restituentia effusionem hoc in morbo egregie discutient. Inflammatio quandoque efficit effusionem ut egregie monuit Ill. RICHTER. y) Tempestivam incisionem maximas afferre suppetias, & in phlogosi sola urgente hanc parum prodesse argumenti ratione admoliuntur extravasationis defensores. Sed GARENCEOTIUS jam affert contrarium, expressis verbis affirmans: *subinde plane nihil per incisionem promanat, & tamen præstat*

x) l. c. pag. 322.

y) l. c. pag. 7.

*præstat auxilium incisio.* z) HILDANUS in profunda specie periculofam effe incisionem judicat; fi igitur in omni specie existeret effusio, cur ibi non commendaverit sectionem? alii e contrario quam maxime hic necessariam laudant operationem. Alium modum quo incisio affert levamen, lectori indicabo. Supra ex anatomica fabricatione lucide patet, quod morbus tenacissimis & tendinosis partibus inhæreat, testatur nunc assidua experientia, tendinosas partes, si nervis in iis pungantur, & aliquo modo fibræ separentur, gravissime dolere incisionesque non nisi levare. V. g. in vulneribus punctura factis, galeam capitis aponeuroticam afficientibus, vel in brachii. venæsectione aponeurosin bicipitis lædente, nullum aliud auxilium dolores inflammationemque mitigat, quam sectio; & his affectibus dolor non fit gravissimus, nisi inflammatio accedat. Supra in symptomatum explicatione monstravi, quomodo inflammatio dira edere possit symptomata. Ergo in confessio est, quali modo incisio agat; Duplici scilicet modo: primo loco, quod illas sanguini influenti resistantiam afferentes tendinosas partes discindat, has itaque relaxet, ut locum cedere possint impulsu sanguinis; nervi porro ubique sparsi & tensi dimittuntur, ut antea per tensionem quam maxime irritati non amplius sentiant irritamenti affectionem.

Secundo loco hæmorrhagiam creat incisio, quam plurimi antorum provocare suadent, phlogosin minuit, ac tali modo ægrum exonerat, nunc  
ad-

z) l. c. pag. 322.



ad- vel absit effusio, semper æger levabitur. Ergo tempestive adhibita incisio nunquam est rejicienda, sed commendanda. Tandem huic causæ proximæ fulcimen præstandum magnopere censent autores, quod effusio absorberi non possit. Nonne vero sæpissime resolvitur panaritium, absque extravasati emissionem? & in tendinum vagina si regma articulare sive synovia abundat, exhalatur, absorbetur, nonne hoc extravasatum quoque resorberi deberet? in chronica illa specie nulla adest effusio, atque incisio nullo modo ægrum levaret, sed totius articuli amputatio necessaria est; extravasato incisio sufficeret. Ex his nullum est certius indicium, humores soli nobis exhibere causam proximam, sed ad solida quoque respicere necesse esse. Si in solidis & fluidis causam proximam indagare studes, quodlibet stadium ac quamvis speciem, ut postea prolixius monstrare mihi est animus, propriam suam causam proximam habere, videbis. Quævis enim species, quodlibetque stadium nec in symptomatibus nec in medendi ratione, ut infra indicabo, plane conveniunt. Generalem inde constituere causam proximam in inertiis collocare, licitum mihi erit.

## CAP. IX.

### *De prognosi.*

In stabilienda prognosi quinque ad momenta respicere necesse judicavi, ad speciem videlicet, stadium, phænomena externa, corporis conditionem & causam.

D

(Prog-

(*Prognosis ratione speciei.*) Superficialis palmaris profunda, faciliorem admittit curationem, rarissime gravia observantur symptomata, remediaque locum affectum penetrare valent. Conciliatio hujus speciei cum profunda valdopere non est metuenda. Superficiali dorsali unguis casus & abscessio se comitem plerumque addere solet. Ceterum huic speciei nihil est periculi, & profundiori est levissima. Profunda totius manus, quin brachii inflammationem atque tumorem creare potest. Huic speciei in tendinum vagina suppuratio, brachii abscessus, caries, gangræna & sphacelus, convulsiones, febres, deliria aliaque mala symptomata supervenire possunt. Profundæ palmaris cum superficiali complicatio quandoque occurrit. Acuta semper, chronica, plus minatur periculi.

(*Prognosis ratione stadii.*) Si causa nobis innotescit atque e medio non ægre tolli potest, in promittendo faciles esse possumus. In inflammationis stadio multo magis ægrotans periclitatur quin in profunda specie in capitis discrimine quandoque versetur. Pessima enim acuta symptomata plerumque se sistere solent. In superficiali suppurationis stadium raro periculosum, in profunda autem non mediocriter affert periculum; tendinorum & membranarum corruptio, in manus vola puris accumulatio, & caries cum phalangis deperditione omnino verenda sunt. Gangræne & sphaceli stadium non sine vitæ discrimine aggreditur ægrotos, febris putrida, manus & digitorum corruptio, quin brachii infestatio formidandæ sunt.

*Prognosis*

(*Prognosis ratione phaenomenorum externorum.*) Quo major apparet tumor, eo facilius sanatur morbus, quo minor autem, eo dolor magis intolerabilis. a) Quo dolor vehementior quo pejora eum persequi possunt symptomata, v. g. febris, convulsiones, deliria &c. Panaritium cui gangræna & sphacelus atque convulsiones superveniunt, vitæ mutationem cum morte inferre valent. Pus in panaritio, quo diutius conclusum detinetur, eo seriora subsequuntur symptomata. b) Extremum digitorum articulum occupans panaritium, periculosius est, quam quod secundum vel tertium invadit. c) Quo materia cuti est proximior, eo minor adest dolor, minusque minatur periculi. Quo autem profundius materia egit radices, eo sæviores existunt dolores, majusque est metuumdum periculum. d)

(*Prognosis ratione corporis constitutionis.*) In corpore plethorico atletico vehemens sæpius esse solet, inflammatio enim oboritur vehementissima cum diris doloribus, & febres. In caco-chymico magis obscurat bonam prognosin gangrænae & sphaceli, febris biliosæ & putridæ metus. Corpus molle, delicatulum, sensibile spasticis symptomatibus pro nutrimento esse solet.

(*Prognosis ratione causæ.*) Quo causa vehementius afficit partem, quo difficilius subigi potest

- a) BOERHAVE l. c. p. 239.
- b) GLANDORP l. c. cap. 14. pag. 29.
- c) Idem l. c.
- d) Idem l. c.

potest, eo pejor est prognos. In genere a causis externis ortum panaritium, illi a causa interna procreato prognoseos ratione palmam præripit. Interna causa diagnoseos ratione ingenii oculis inperspicuum velum sæpe suspendit; & quod pejus est, si disquisitione accurata instituta innotescit, in curatione aquam ex pumice nos postulare sive postulasse videmus. Pejorem adhuc præstat prognosin, causa interna plures digitos simul infestans & sæpe rediens. In genere norma est practica maximi momenti, ut in panaritio Chirurgus semper indagationi submittat, an causa interna adsit, ut pessimis symptomatibus omnibus auxiliis chirurgicis obstantibus, obviam ire possit. Causa externa sola, raro periculosa creat phænomena, cum interna vero congregata, pessimæ prognosi præbet ansam.

## CAP. X.

### *De panaritii medendi ratione secundum species & stadia.*

In genere DIONIS omne panaritium quam citissime in suppurationem convertere, offert regulam, & remedia irritantia laudat e). Sed comprobata experientia suppuratio dirissima subinde efficit mala, ergo ad resolutionem, quantum fieri potest, omnia opera sunt dirigenda. Quælibet species, cum propria sua habeat symptomata, porro, cum una eademque species non omni tempore iisdem nobis appareat phænomenis, videbis, quamlibet

e) l. c.



libet speciem cum suis stadiis, in curatione speciatim considerare nos debere. Ideoque cum superficiali palmari inchoabo.

*Curatio superficialis palmaris speciei  
per omnia stadia.*

*I. Irritationis stadii cura.* Tam speciei quam stadiorum phænomenis supra sermo mihi jam fuit, unde hujus loci de causa, indicationibus & remediis verba facere mihi tantum necesse sit.

(*Indicantia.*) Causa proxima in solidis & in nervis quidem hæret, atque irritationem complectitur. Symptoma ingrata est sensatio quam *dolorem* appellamus. Ceterum habitus corporis considerandus est.

(*Indicationes.*) Indicationis causalis ratione, causam proximam, irritamentum nempe, si fieri potest exigamus. Ad indicationem palliativam confugere necesse est, si irritamentum exigi nequit, dolorem, quem semper placare opus est, ne inflammationem & vehementiora symptomata edat. Prophylactica indicatio hoc in stadio, ut ad habitum corporis respectum habeamus, requirit. Corpus robustum & plethoricum paululum debilitare, cacochymicum aliquantulum corrigere, & delicatulum minus sensibile reddere debemus ut secundum stadium avertatur vel minus periculofum reddatur.

(*Indicata externa.*) Si fieri potest causam occasionalem ea ratione, ut postea indicandum mihi erit, auferamus. Ut mitigemus dolorem in-

flammationique præveniamus, remedia anodyna externa antispasmodica in usum vocemus. v. g. empl. theriacale fomentationes ac cataplasmata ex herba cicutæ, foliis hyosciami, florib. chamom. sambuc. femin. papav. contus. aliisque. Cl. THEDENIUS totius manus ad cubitum usque, cum aqua sclopetaria conciliatam fasciarum applicationem laudat. f) Circa digitum affectum & foment. & catapl. fere supra totam manum adhibere possumus, ut nervorum anastomoses etiam obtundantur, præsertim epidermide crassa densaque præsentē. Vena in corpore robusto plethorico modo prophylactico secanda est.

( *Indicata interna.* ) Opii aliquot grana, vel syrup. diacod. ad Unc. unam semis vel Massam pilul. de cynogl. ad grana octo, vel Laudan. liquid. Sydenh. ad guttas XV. ante quietem nocturnam data, dolorem sedabunt, atque contra irritamentum nervos sensus expertes efficient. Delicatulis, quibus sæpius gravior est. Dolor ejusque incrementum magis est verendum, præcipue commendanda sunt. Coccochymicis ut mea fert opinio purgans præscribi posset. partim ob primar. viar. qua ut plurimum laborant. impuritatem atque procul dubio causam accessoriam exhibituram; partim ad inflammationem præcavendam. dum humorum affluxus magis ad intestinorum superficiem se verge-re conatur atque materia corpus occupans morboſa non ad digitum adscendit.

*Indi-*

f) Neue Bemerk. und Erfahrungen, I. Theil pag. 26.

(*Judicata diætetica.*) In genere scopo prophylactico diæteta antiphlogistica commendanda est, aër nempe purus, cibus exilis vegetabilis, & potus copiosus aquosus. Amplior sit hæc diæteta robustis, minor vero cacochymicis & delicatulis. Ut excretionès bene succedant & animi affectibus abstineat æger, videndum est. Motu corporis quoque non peccet homo. Certissime laudata omnia hæc auxilia refrenabunt stadium secundum. Hujus stadii recta curatio præsertissima est; hostem ipso, impetū proculcare studeamus. Proh dolor autem rarissime Chirurgus, fere nunquam observabit hoc stadium; ægrotantes quoque ob levem molestiam, qua premuntur, amplam talem non admittent curationem. Quod autem de stadii irritationis cura in hac specie dictum est, ad aliarum omnium reliquarum specierum stadium initii extendi potest. Nunc stadium secundum, in quo frequentius Chirurgi auxilium implorare solent languentes, tractabo.

*II. Curatio inflammationis stadii.* Hujus speciei inflammationis signa supra jam notata in memoriam tibi revocare velis, mihi tantum de ejus cura verba hic sunt facienda.

(*Indicantia.*) Causa in solidis hærens proxima est irritatio nervorum & vasorum oscillatio spastica, in fluidis vero, humorum ad digitos delapsus, ac motus adauctus, per digitum affectas partes. Phænomena externa sunt dolor gravis, tumor, rubor, calor, tensio quandoque accedens & febris urgens. De febre cum huic speciei rarissime, nisi in vehe-



mentissimo gradu occurrere soleat alio loco commodiori sermonem mihi facturum sim. Corporis conditio hoc in stadio, ut in præcedenti, inter indicantia quoque recipi meretur.

(*Indicationes.*) Respectu indicationis causalis, necesse est, ut si fieri potest irritamentum amoveamus. quod autem hoc in stadio rarissime patrari potest. Porro hunc motum humorum & influxum adauctum infringamus, vasorumque oscillationem compescamus. Palliative dolorem, irritationem, tumorem, ruborem, calorem, tensionis sensum & febrem leniamus. Scopo prophylactico, huic stadio diætam quadrantem præscribamus.

(*Indicata externa.*) Præstantissimum vasorum oscillationem, & humorum affluxum & motum supprimens remedium, sanguinis ex vena detractio præbet. Iusta autem methodo ut hæc instituat ad varias necessarias res videamus. Et primo ad locum: Veteres derivatoriam venæsectionem solum adhibuerunt, recentiorum autem experientia exemplo revulsoriam illæ palmam præripientem laudibus extollunt. Ideoque brachii affecti phlebotomia omnino aliis est præferenda. Porro in venæsectione attentionem figat Chirurgus in quantitatem. Hæc a corporis habitu & a phænomenis externis, dolore scilicet, tumore, rubore, calore & in parte ægra tensione atque ætate pendet. Corpus athleticum, ætas juvenilis, tumor magnus, dolor vehemens & tensio copiosam sanguinis extractionem necessariam reddunt, & vice versa in contrario statu. Ex his rebus ad sanguinis missionem repetitio-



petitionis necessitas haurienda est. Partis languentis ipsius phlebotomia in aliis inflammationibus laudibus extollitur. CELEB. SCHMUKER felicissimo cum successu ad digiti apicem, quatuor hirudines apposuit. g) Mihi vero una hirudo loco vehementissimi doloris & tres vel quatuor ad digitorum latera, quibus immediate sub cute vasa sanguinem complectentia hærent, appositæ, egregium præstarent effectum; vasa ipsa tunc evacuantur & diutius stabit hæmorrhagia. In cacochymicis ac mollioribus, & nisi modum excedat inflammatio, topica hæc venæsectio sufficiet. Ad sanguinis impulsu præternaturalem infringendum veteres supra locum affectum applicarunt sic dicta intercipientia, fortasse aliud, remedium mihi in mentem veniens non plane rejiciendum est. In amputatione in Aneurysmatis operatione, ut post operationem sanguinis influxum insistamus, Petiti torcularium apponere solemus. Nonne hoc in stadio, tali modo applicatum, ut sanguinis impulsus minueretur, quoque proficeret? Exaltata brachii positio nec minus hunc impulsu minuit. Hæc auxilia causæ proximæ ratione non exiguas præbent suppetias, ad symptomata vero animum quoque intendere necesse est. Calorem, ruborem, atque tumorem nec non dolorem aliquantulum quidem mitigamus per venæ percussione, sed alia adhuc remedia postulant hæc symptomata. Quælibet partibus sensilibus & tenacibus hærens inflammatio emollientia relaxantia necessaria reddit.

g) Vermischte chir. Schriften I Band. pag. 107.

dit. Ergo ob dolorem anodyna, & propter inflammationem & tensionis lenitionem emollientia in usu ntr. here opus est. AMBROS. PARAEVS ad dolores sedandos folia hyosciami, cicuta & mandragoræ sub cineribus calidis cocta & oleo quodam, imponere jubet, h) Supra jam præscripta anodyna cum emollientibus vel forma catapl. vel foment. applicari possunt. V. g. R̃x. Flor. cham., melilot, samb. aa. M̃p. ij. Sem. lini, foenugræc. cont. f. aa. Unc. j. coque c. lacte f. q. ad catapl. formam D. S. circa digitum ægrum imponendum, & toties refriguit, renovandum. Vel R̃x. Hb. cicut. M̃p. ij. hyosc. M̃p. j. Flor. samb. M̃p. f. Sem. papav. Unc. j. Farin. fabar. Unc. ij. coque c. lacte f. v. Colat. c. expr. D. S. cum splenis sæpe applicandum. Adjecto oleo lini & f. q. Lactis ad catapl. formam parari potest. PLENCKIUS digiti in balneo lactis saturnini immersionem suadet, i) Omnibus his remediis aliquot horarum spatio frustra adhibitis, certissime venæ incisio repetenda sit, si supra notatæ res eam admittunt. His omnibus justo adhibitis, nihilominus tamen si dolor tensioque ingravescunt, ad operationem antequam pus sit, confugiamus. Crassam epidermidem si adsit, & subcutaneum ligamentum, ut pars cedere possit, incidamus. Magnam ægro affert placationem hæc operatio, qua ad puris confectio-

nem

h) Lib. 7. de morbis. cap. 19.

i) l. c. pag. 67.

nem usque adhuc destitueretur. Duo hæc operatio complectitur momenta, locum scilicet quo fiat operatio & methodum. Ad locum quod spectat, nunquam ut autores suadent, illam partem quæ primo doluit, vel hoc tempore præcipue dolore laborat, incidere commodum esse credo. Necesse enim est ut resistantiam tensionemque extinguamus. Longitudinalem sectionem inde temporale solum afferre levamen, sæpe observatur, adeo ut extendi subinde debeat incisio. Fibræ autem hujus ligamenti transversaliter findantur, & hac ratione ab apicis phalangæ uno latere ad alterum baseos phalangis adscendentem sectionem commendarem. Nullo modo organi tactus extinctio verenda est ex hac dissectione, nervuli enim a digiti latere adejus apicem adscendunt. Ut inflammationem solvamus, sanguinem hoc loco hærentem evacuemus. Nullo modo dissectionem insequens hæmorrhagia supprimenda, sed intermissione apparente, per digiti in aquam calidam submersionem & frictionem lenem, potius provocanda est. Ceteram curam in suppurationis stadio indicabo. Remedia autem emollientia atque anodyna nondum rejicienda sunt. Quandoque ob doloris metum sectionem repudiant ægrotantes, Cl. THEDENII auxilium, quo in profunda specie mentionem faciam, in usum vocare possumus. Sin autem obstinate repugnant ægroti inflammationis maturationem, præsertim si puris conficientis



tis signa jam adessent, provocemus. Ideoque emollientia cum anodynis in uno tenore calide admota puris confectionem promovebunt. VESTI hyosciamum & ficum discissum cum theriaca huic scopo laudat, k) Tunc stadium apparet, quod illum suppurationis appellaverim, de quo mox tracturus sim.

(*Indicata interna.*) Quæ ad causam proximam spectant reimedia, in leniter antiplilogisticorum classe versantur, scilicet media v.g. Nitr. dp., Sal ammon. Tartar. Tataris., cum mellitis, cui syrup. de mecon. commodè adjicere possumus. Certissime in aliorum conciliatione hæc motum humorum infringent. Ceterum ante nocturnam quietem opiata supra jam notata methodo egregio cum successu propinabuntur. Infringunt irritationem, nervorum & cordis perturbationem egregie obruunt, doloresque, inflammationem aliaque symptomata producentes, optimo modo sedant. Diæta ut in priori stadio sit antiphlogistica. *Quando morbus in suo vigore fuerit, tunc tenuissimo victu uti necesse est.* l) Ceterum ad sanguinem derivandum, & ad suppressum ventrem præcavendum, ejus lenis purgatio non sine ullo ægri levamine institui potest, ita ut bis de die moveatur. Ideoque potui ordinario tamarindorum vel prunorum pulpam, vel salinum quoddam remedium adjicere, vel decoctum

k) l. c. pag. 21.

l) HIPPOCRATES Aphor. Sect. I. aphor. 8.



coctum prunorum exsiccatorem pro potu ordinario præscribamus.

*III. Stadii suppurationis cura.* Pus confectum ex loco suo memoratis signis cognoscitur. Ad curam autem quod attinet, sequentibus inhæreamus animum.

(*Indicantia.*) Causam proximam ratione fluidorum in pure sub cute hærente invenes, & ratione solidorum, ut illud cute clausa amplectatur. Sponte disrupta vel per incisionem discissa cute in solidis & fluidis inflammatio perdurare consuevit & cavum cum vulnere adest. Symptomata supra locum jam occuparunt.

(*Indicationes.*) Causali indicationi ut satisfaciamus, pus confectum evacuetur, inflammatio superstes solvatur, abscessus cavum iterum repleatur atque vulnus cicatrifetur. Palliative nihil hoc in stadio faciendum occurrit, symptomata enim omnia, evacuato pure ad incitas rediguntur. Prophylactice necesse est, ut puris profluvium sustineamus liberum, ne harum partium nobilium fiat consumptio novaque generentur mala.

(*Indicata externa.*) Maturatione aliqua facta, statim fiat incisio, ne partes pure solvantur. Loco purulentæ collectionis eminentiori derepente lanceola in abscessus cavum, donec pus ad ejus latus profiliat, trudatur. Quandoque fit, quod lanceolæ usum plane repudient ægrotantes hoc in stadio; quo in casu emollientium usus ad spontaneam rupturam usque protrahatur. Frequenter  
autem

autem densa crassaque epidermide digiti palma circumdata est : tunc ob nobiliarum partium resolutionem non admittat Chirurgus spontaneam disruptionem. Consumitur quidem epidermis, per longum vero temporis intervallum puri offert impedimentum quod vastari nequeat. Superstitem inflammationem emollientium anodynorumque usus protractus, atque digestivorum applicatio solvit. Purulentiam enim & sanguinis stagnantis in pus conversionem promovent. Purulentiae liberum effluvium, levis diligatio, & unæ vel plurium chordarum ex intestinis paratarum, applicatio adjuvat. Hæc cavi abscessus præmaturam cavere extennationem inserviunt, ejus superficiem, præsertim cum digestivis illinitæ, emolliunt. Inflammatione plane resoluta & in pus converta, cicatrix coeat necesse est; chordarum abrogatio, vulneris per futuram siccam alligatio, atque ut citius res peragatur, digiti & antibrachii fasciatio, prorsus curam absolvent. Gangrenæ stadium, nisi in prava corporis indole, rarissime huic speciei, magis autem profundæ supervenire consuevit, & commodius alio loco de hoc mihi erit dicendum.

*Curatio profundæ palmaris speciei per omnia stadia.*

ALBINUS m) alique in stadio irritationis antequam oboriatur tumor & inflammatio, incisionem difficilem reddentes, laudant operationem. Egre-

gium

m) l. c. pag. 20.

gium præstaret effectum, rarissime Chirurgi auxilium autem hoc in stadio implorant ægrotantes, nedum operationem admittent, & tandem difficile est cognitu, an dolor tantum panniculum adiposum vel profundius fitas partes occupet?

*I. Stadii inflammationis cura. (Indicantia.)*

Causam proximam hæc species cum priore in hoc stadio præter vehementiam in promiscuo habet, symptomata autem supra in secundo inflammationis gradu indicata, attentionem nostram omnino alliciant. Occurrunt enim phænomena tam adstantium quam chirurgi animum non in exigua parte subinde reformidantia, v. g. dolores atrocissimi, manus & brachii inflatio, febres, convulsiones, syncope &c.

*(Indicationes.)* Indicatio causalis ad causam proximam, inflammationis naturam scilicet, spectat. Omnem moveat lapidem Chirurgus, ut inflammationis resolutionem curet; ex decursu enim, qualem destructionem pariat suppuratio, palam est. Palliativa indicatio hac in specie maximi est momenti; quantum in Chirurgo est in symptomatum mitigatione animum occupatum habeat. Prophylactica indicatio hoc in stadio rigorosam desiderat diætam.

*(Indicata externa.)* Hoc stadio quam maxime necessaria sanguinis extractio supra indicato modo ordinetur; quantitatis ratione autem, ægri viribus, ætati, & symptomatum vehementiæ competat. Hirudines notata methodo apponantur.

Torcu

Torcularii applicatio & erecta brachii positio magnopere hic commendanda sunt. Emollientium anodynorumque remediorum per totius manus atque antibrachii ambitum applicationis extensio hoc in casu est necessaria. Lecto porro brachio elevato æger incumbat; sin autem ambulare cupiat, brachium in mitella ponatur, ne propter situm brachii declivem sanguinis impulsus augeatur. Simul animum intendamus, ut profundam in superficiei mutemus, & huic scopo in usum trahamus sic dicta revellentia. V. g. Linimenti volatilis inunctionem & applicationem; hoc autem frustra adhibito vesicatorium ei palmam præripiet, dum majorem dolorem efficiet. *Duobus doloribus simul infestantibus, non tamen unum locum, qui vehementior est, alterum obscurat.* n) Venæsectiones autem emollientiaque semper horum usum præcedant. Ceterum revellentia solo digito affecto conferunt, emollientia atque anodyna aliis partibus continuo adhibeantur. Omnibus his auxiliis intra viginti horarum spatium incassum adhibitis; ad operationem qua certissimum auxilium sine mora nos confugere fas est. Periculum enim in mora, nullum enim aliud præsidium suppurationem hoc stadio periculosissimam præcurrere valet. Nunquam ideo ad puris confectionem incisio exponenda est. Incisione sufficiente facta partium relaxatio, sanguinis immediate ex vasis affectis profusio inde secuta, & levis hanc insequens suppuratio ullo sine incommodo solvent superstitem inflamm-

n) HIPPOCRATES aphor. Sect. 2. aphor. 46.





si sponte clauderetur arteria, compressio ad sanguinis profusionem debellandam, jam sufficiet. Nervorum arterias concomitantium punctio dira mala edere potest, quæ Chirurgus per nervi transversalem dissectionem nec non anodynorum usum protractum prævertit. Prope articulum necessariam operationem ad latus institueret quoque suadet PLATTNER. q) In hoc stadio topica venæsectio partisque relaxatio ægrum compressum modo liberat; lateralis sectio his conditionibus lucide respondet. HEISTERUS alterius lateris incisionem adeo laudat, nisi ægri post unius lateris incisionem dolores nondum mitigatos esse sentiant. r) Methodus qua nunc incisio fiat, in eo consistit, ut ægrotantis manum figamus, quæ igitur tabulæ seu alio duro corpore imponatur, ita tamen ut locus incisionis Chirurgus apte sit positus, tunc scalpellum ad os usque penetret, tali modo autem, ut vulnus in summo & profundo ejusdem sit magnitudinis. Exigua incisio semper abhorrenda est, ideoque ad digiti longitudinem locum perforet lanceola, ne tendo, autorum assertione, transversaliter secetur, vagina autem findatur, quæ in transversali sectione clausa maneret. In necessaria ad latus sectione, transversalis longitudinali præferenda est. Incisio satis sit magna, ne ex scalpelli punctione creentur ingrata mala.

&amp;

q) l. c. pag. 61.

r) l. c. pag. 1148.

& ægro molesta incisionis repetitione, praevertatur. Operatio hæc, cutis, tendinosorum partium epidermidisque resistentiæ, ac tensionis sensui addit colophonem. Quod quidem in nos est, doloris metum & sensum inter operationem mitigemus, quos per fasciationem compescere posse, audacter asseverat Cl. THEDENIUS. s) Antibrachium cum manu scilicet atque digitis, digito affecto illa in parte qua incisio fiat nudo remanente, fasciis amicare suadet, ac tali modo memorabili dolore experte incisionem s. fecisse, comprobatur. Perpetrata operatione sanguinis effluvium haud supprimatur, sed eodem modo, ut supra monui, sustentetur. Ut incepta persequamur, emollientium anodynorumque protrahamus usum, & maturatio atque suppuratio tunc bene cedent.

(*Indicata interna.*) Quis est, qui rigorosum antiphlogisticorum usum hoc in stadio summe necessarium non laudabit? generaliter quidem hæc methodus egregie conducit; ad febris vero modificationem atque causam internam respicere, Chirurgo in re medica versato necesse esse, vix causa subest quare dicam. Dolor creat febrem, omnesque se- & excretiones turbat, bilis effunditur, transpiratio cessat, unde febris hoc in stadio vel bilioso-inflamatoria, vel mere inflammatoria urgere potest. Robustum

E 2

stum

s) Neue Bemerk. und Erfahr. I. Theil pag. 26.



stum athleticum corpus, meram, magis cacochymicum autem & cholicum bilioso-inflammatoriam modificationem exhibebit. Extra agri mei fines ararem, si totum harum febrium decursum cum cura describerem, sed necessaria tantum afferre mihi est consilium. Febris igitur mere inflammatoria usum nitri audacem cum mellitis & saponaceis vegetabilibus requirit. Vespere autem, præmissa sufficiente venæsectione opiata optimo cum successu supra jam notata methodo propinentur. Ratione febris bilioso-inflammatoriæ primo supra præscriptam methodicam venæsectionem disponat, tunc nata indicatione resolventia & evacuantia antiphlogistica adhibeat Chirurgus. Si ergo nausea, oris amarities, capitis dolor, appetitus læsio, præcordiorum plenitudo, lingua admodum impuræ adsunt, emeticum præscribendum est. E contrario si ventris dolores, borborygmi urgent, dorsum atque crura dolent, urina jumentosa conspicitur, purgans antiphlogisticum propinetur. Omnia hæc notata signa si non inveniuntur, lingua sordida sicca, urina crocea apparent, saburram per salia media solvere necesse est, donec vel sursum vel deorsum turgeat, & eliminari possit. Cautionem autem impendeat Chirurgus in opiatorum præscriptione; in sordium enim præsentia & statu plethorico nullo modo in usum recipi possunt. Ergo venæsectio, sordiumque ejectio semper opiatorum usum præcedat.

Ceterum



Ceterum axioma est practicum, ut in opiatorum usu, propter ventris suppressionem quam pariunt, clysmata ingerantur. Convulsionum atque spasinorum agmen hoc in stadio a tribus causis nutrir videtur, a repletionem scilicet, nimia sensibilitate atque irritatione. Quando igitur plethoræ symptomata atque inflammationis vehementiæ cruciare ægrem observantur, venæ incisio optimum exhibebit effectum. Quando sensibilitas urget opiata egregie conveniunt. Convulsiones autem ex irritatione nullo alio modo curantur, nisi tolli vel corrigi possit irritamentum. Ideoque v. g. sordes biliosæ, vel injuriæ externæ &c. ad incitas redigantur. Bene nunc notandum, quod plures harum causarum simul adesse possint, quo igitur medendi rationes conciliandæ sint. Syncope aliquando superveniens, symptoma est spallicum & ut convulsiones pallietur. Ad hæc omnia respectum habeat artis medicæ consultus Chirurgus, nisi ægrotum suum de salute periclitari videat.

(*Indicata diætetica.*) Aëre puro refrigeratorio versetur languens, cibus ex penario exilium vegetabilium d. sumatur, potus sit aquosus, copiosus, refrigerans atque acidiusculus. Venter continuo mollis tenendus, & nisi sponte descendat per clysmata provocandus est. Summam observet quietem æger, & nullo modo animi affectibus molestetur.

*II. Stadii suppurationis cura.* Hujus stadii præsentia ex puris confectionis signis generalibus & parvo subinde tumore facilis est cognitu.

(*Indicantia.*) Prorsus cum illa prioris speciei convenit causa immediata. Neglecta ex hujus stadii curatione varia aliquando occurrunt teterrima accidentia, caries scilicet, in vagina tendinum manu & brachio suppuratio & abscessus, tendinum erosio ac corruptio, atque carnis exsuperantia subinde, omnia præcipue merentia attentionem nostram. Ad eorum diagnosis & curam quod spectat, alio loco fusius explicabo.

(*Indicationes.*) Ut causam proximam tollamus, pus profunde sub cute hærens per operationem exitum dare, atque tunc reliquam inflammationem resolvere, necesse est. Prophylactico scopo non impeditum saniei effluvium adjuvemus.

(*Indicata externa.*) Ut in priori specie notato modo adhibeantur remedia externa. Incisionem scilicet exerceat Chirurgus, supra descripta methodo & loco in stadio inflammationis, emollientia reliquaque in stadio suppurationis præcedentis speciei laudata remedia adhibeat. Dicta hæc omnia a levi gradu intelligenda, dum tractaverit stadium inflammationis vulnerarius, ibique non secaverit partem, nunc autem tempestive munere suo fungitur.

Ex curatione neglecta mala illa accidentia originem ut plurimum petere solent. Pars ægra a suppuratione affecta vel sponte disrumpitur, vel nimis serotinus protractam exerimus incisionem. Omnia hæc mala proprios morbos, ideoque proprias suas curationes postulantes, constituunt; & ex pure retento diutius, orta sunt mala. Facta apertura sanies conspectum nostrum primo attingit, ideoque de mala suppuratione primo mihi est differendum.

*In tendinum vagina, manu & brachio purulentia atque abscessus.*

Si ergo ex neglecta apertione plus justo colligitur pus, ob tendinum vaginæ firmam structuram, in locum minus resistentem, vaginam tendinum nempe, vergit, atque per hanc ad manus volam quin & antibrachium adscendit, ibique phlogosin, puris majorem confectionem & abscessus parit.

(Signa.) Ex negligentia igitur in parte ægra puris collectione facta, vel operatio instituitur, vel sponte comminuuntur integumenta externa, saniesque promanat, majori autem quantitate quam in loco ægro versari posset, nullum ex apertione ægro infertur solatium, manus tumor scilicet non subsidet, dolorum agmen non minuitur, tandemque ex vaginæ vel manus pressione pus profluit; saniei collectionem a tendinum vagina amplecti explorata veritate asserere possumus.



Ceterum, alia puris confecti signa, in Vulnerarii considerationem trahantur, præter fluctuationem, cujus perceptio in tendinum vagina & sub palmari aponeurosi in tenebris versatur, Brachii tumorum abscessuumque diagnosi nullò modo obscuratur, purulentia sub cute subinde conspici, & fluctuatio percipi potest.

(*Indicantia.*) Cautam proximam in solidis porrigunt, dolor & tumor, in fluidis inflammatio & puris collectio, quæ ex suis signis cognoscatur. Symptomata aliquando ex neglecta cura accedentia in copioso puris profluxu indeque oboriente enervatione, subinde partium adjacentium corruptione & saniei in humorum massa resorptione continentur.

(*Indicationes.*) Ad causalem indicationem quod attinet, purulentiae evacuatio per operationem est necessaria, hac facta, reliquam phlogosin resolvere & in pus convertere operas infigamus. Prophylactice partium corruptionem, puris profluvium nimium & resorptionem avertamus. Ergo & puris effluvium sine fiat impedimento curemus, atque per remedia convenientia saniei copiam atque corruptionem præveniamus.

(*Indicata externa.*) Operatio ad funditus causam solvendam immediatam unicum & præstantissimum exhibet auxilium. Loco quo purulentiae a cute clausæ percipiuntur signa, fiat incisio. Si ergo spontanea ruptura vel operatione  
facta



facta in parte languente, nulla ægrum perinulcent consolatione, saniesque promanat ex vagina, vel non, aliaque generalia signa. Chirurgus locum quo pus hæreat, manifestabunt. Si vaginam aliasque phalangas obsidet pus, specillum per primam aperturam in vaginam ad illam, qua pus versatur, phalangem intrudatur, cuti externæ apprimatur, & super id scalpello incidatur vagina & cutis. Exteriora tunc petit sanies, & vulnus, ut postea dicam, curetur. Quantum potest semper juncturis parcendum, ligamenta firmiter in his hærentia, vaginæ tendinum non mediocri fulcimen præbentia, indeque puri effluenti impedimentum afferentia, nisi per saniei malignitatem jam destructa, nunquam descendere fas est; non illis autoribus, totam vaginam scalpello findere suadentibus, aures præbendæ sunt, interstitiorum dissectio enim; jam sufficit. Pus libere effluere valet atque vulnus in usu mox commendaturorum auxiliorum coarctari nequit. In vola manus sub aponeurosi palmari simul sæviente sanie, per incisionem phalangarum introducatur specillum, supra primum articulum cuti apprimatur & super id incidatur, tunc sulcatum specillum in hanc intrudatur aperturam, & super id plaga dilatetur, sanieque detur exitus commodus. Magna purulentix copia hic sæpius complectitur, cujus evacuationem uno tempore suscipere dissuaditur, ne convulsiones

& lipothymia subsequantur. t) His factis & nullum ægro solatium præbentibus, aliis in locis puris collectionem suspectam habeamus, vel sub ligamento annulari, vel sub flexoribus supra pronatorem quadratum. Incisionis palmæ finis ideo ad arcum volarem usque super specillum sulcatum propagentur, specillum tunc sub ligamento trahatur, atque supra hoc cuti apprimatur quo fiat incisio. His peractis statim funiculum linteum cum digestivo illitum per viam, a specillo demonstratam trahere necesse est. Hac ratione molestia experte pus evocari & effluere, atque ulcus purgari potest, integro servato subinde ligamento annulari. Quandoque fit, quod omnibus his perpetratis symptomata indefinenter fœvere pergant; hoc casu inter flexores & pronatorem quadratum pus, quod ex suis signis apparet, continetur. Plaga supra ligamentum jam facta cum scalpello extendatur, flexorum tendines in carpi flexione a se invicem divaricentur, ut ad pronatorem quadratum perveniamus, tunc lanceola in abcessus cavum impellatur ut pus eliminetur. Si pus ibi locum non occupavit, velle evacuatur experte ægri levamine, variæ exstant autorum rationes. PLATTNER ipsum musculum affectum, supra ligamentum ubi in tendinem degenerat, præcidere, hocque artificium li-

gamen.

t) SCHNEIDERS chir. Geschichte, 1 Theil. pag. 51.

gamenti annularis sectioni, qua mox verba ad-  
 jiciam, præferre videtur u). Mihi vero in ten-  
 dine nondum exeso & corrupto hanc operatio-  
 nem exercere, fas non est. Rigiditatem ex li-  
 gamenti dissectione sequentem, avertere valemus,  
 musculum autem restituere velle falsa spe nos  
 producinus. Revera, si semper ex ligamenti  
 annularis sectione oboriretur rigiditas manus,  
 digiti rigiditas principatum teneretur, teste au-  
 tem experientia nunquam non fieri consuevit.  
 Alii annularis ligamenti fissionem laudant. Hoc  
 ligamentum sæpe dolores diros, inflammationem-  
 que nutrire posse asseverat GARENGEOT, x) pro-  
 cul dubio enim, ligamentum a phlogosi & pu-  
 rulenta materia infestari potest. Plerique auto-  
 res fere asserunt, modo non semper manus ri-  
 giditatem remanere, ideoque huic, quantum pos-  
 se, parcendum esse. Contrarium autem, non  
 semper oriri rigiditatem probat TOMLINSON. y)  
 Ex his ergo colligere licet, si inflammatio ad-  
 sit aliaque remedia nihil proficiant, sectionem  
 fieri posse & debere, ut amputationis necessita-  
 tem vel ægri ex convulsionibus interfectionem  
 caveamus. Ne autem rigiditate, curaperacta,  
 molestetur ægrotans, incisio in carpi flexione fiat,  
 & ad plenariam sanationem manus digitique in-  
 flexio.

u) l. c.

x) l. c. pag. 313.

y) l. c. pag. 78.



flexione perseverent, ne tendines profiliant. z) Quando arcus superficialis aliaque vasa arteriosa discinduntur, hæmorrhagia, nisi sponte cesset, per compressionis vel ligaturæ adjuncta cohibeatur, stiptica enim asserunt noxam. a) Quandoque fit, quod hæc languenti nullum præbent levamen, dolores non leniantur, remedia emollientia & anodyna nihil valeant, abscessus autem non inveniantur. Varii tunc tendinis exstirpationem laudant. b) GARENGEOTIUS tendinem ubi parti musculosæ inhæret, discindere suadet. c) Ut mea fert opinio remedia externa atque interna nata indicatione adhibita manusque & digitorum flexio, hanc operationem, fere crudelem non necessariam efficient, & in casu desperato tantum ad eam confugerem: tendine enim discisso vel radicitus exterminato digiti flexio cessat; tandem non exiguas complectitur difficultates hæc operatio, si v. g. profundi musculi tendo præcidere opus esset. Ut phlogosis nunc solvatur abscessusque purgentur, emollientium leniumque digestivorum usus commoda affert auxilia. In genere norma est practica, qualibet incisione peracta, his uti, priusquam ad novam sectionem moras rumpamus. Emollientia anodynaque subinde sufficere non solent, tunc mea

senten-

z) GARENGEOT l. c. pag. 319.

a) Idem l. c.

b) LA FAYE l. c. p. 722.

c) l. c. pag. 313.



sententia, egregie lixivium commune saturatum cum his conciliatum, vel in hoc manus immersio qua resolvens proficiet. Sanguinem enim circa abscessum stagnantem omnem in pus convertere non congruit, & fieri non potest. Digestiva forma injectionis, & spongia marina his imbuta, adhibere competit, forma unguenti cum turundis quoque apponi possunt. Ceterum laxa sit deligatio, noceant enim linamenta si nimium premunt. Laude GARENGEOTII cum fascia octodeci in capitibus fiat deligatio. d) Incisionibus parvis chordas ex intestinis paratas ponamus. Varii autores ab vulneris labiis aliquid auferre in morem habent, ne nimis intumescant atque diligationi obstant. e) Chordæ autem his incommodis providebunt, emolliunt, purulentiam promovent, atque ut tumentes turundæ agunt. Funiculus, si incisio supra ligamento annulari necessaria fuit, quotidie dig. flivo illitus protrahatur. Ligamentum discissum, ut mea fuit opinio, resoluta inflammatione, ad sanationem, quin ad reunionem fortasse ferre valeamus, per duo splenia unum ad pollicis dorsum & alterum lateri opposito applicata, & per fasciam unientem, ab Ill. RICHTERO descriptam, f) adeo ut vulneris labia, quantum potest, se contrectent.

Ten.

d) l. c. pag. 320.

e) LA FAYE l. c. pag. 721. ALIX observ. chirurg. Fascic. 4. pag. 100.

f) l. c. p. 169.

Tendine nullo modo affecto, inter curam digitus situm habeat extensum, ut usus conservetur, inflexo enim digito cicatricis figuratio post curam, digiti, sine ejus fissione, non admittit extensionem. g) Tendinem discissum flexionis extinctio insequatur, ideoque inter sanationem digiti situm semi-inflexum curet Chirurgus, ut post illam in eo perseveret digitus. Brachium in mitella, manu aliquantispei pendente, ponatur, ne cubitus supine pendeat, & affluxus perduret, pus autem libere exitum experiatur. Ut proximarum partium corruptioni occurramus, pus sine ullo impedimento promanet, laxè igitur deligetur pars, satis repetatur obligatio, sufficienti gaudeat amplitudine incisio nimiaque purulentia cohibeatur. Puris copiosum profluvium præveniri potest per usum digestivorum tempore opportuno sepositorum, & siccam, cum spongia marina, deligationem. Absorptioni obviam ire potest Chirurgus, si spongiam marinam atque auxilia puris effluvium servantia, in usum trahet. Ut brevibus verbis adjiciam, omni nunc soluta inflammatione sicca sit obligatio, pure autem mitius fluere incipiente, setaceum chordæque ex usu projiciantur, atque per fasciam expulsivam cum Thedeaniana fasciatione conjunctam omnia ad fines optimos perducì possunt. Brachii axillarumque abscessus eodem modo curentur.

(Indicata

(*Indicata interna.*) Cavi abscessus novam repletionem, chinæ usus promovet; enervationem ex puris copiosa profusione cortic. peruv. ingestio cavet.

(*Indicata diætetica.*) Aërem purum continuo spiret ager. Ne autem enervatione conqueratur, ex penu nutritientium concoctu facilius ingerat. Omnibus animæ affectib; abstineat. Ceterum se- & excretionem bene cedant, ne ex eorum retentione vel nova inflammatio vel alia symptomata originem petant, & pus resorptum justo eliminetur.

Tendinum erosio atque corruptio aliquando superveniens, optimo modo per excisionis opera curatur. Spontaneam enim separationem nunquam expectare licet, ob gradum facientem corrosionem ad tendinis longitudinem & purulentæ accumulationem. Auferendum igitur cum forfice quod in tendine oculis exesum appareat, in sana sua parte tendo igitur præcidendus, nisi a digito resolutus fuerit, subsecandus & extrahendus est. Nisi vulnus sine excisionis attingat, manus flectenda & cum forcipe tendo protrahendus, vel ulcus scalpello extendi debeat.

### *Pterygium.*

Occurrit aliquando, quod veterum nomine πτερυγιον sive *hyperfartosis*, carnis exsuperantia  
ex



ex incisionibus procreetur, has obturet atque purulentiae effluxum cohibeat. Quod vitium extinguere varia laudantur auxilia. Alii scilicet autores caustica potentialia, alii levem compressionem h) in usum vocare suadent. GLANDORPIUS ex escharoticorum usu magis magisque carnem increfcere asseverat, atque dolores vehementes inde oriri. Cel. DE HAEN digiti, post incisionem in aquam tepidam, immersionem, qua prophylacticum auxilium laudibus extollit, i) quod mea sententia, si laudare a sum, chordarum notatarum usus quoque praeberet posset. Hoc pterygio orto ego cum PLATTNERO k) forfice omnia exciderem. Si autem excisioni obstinaret ægrotus, escharoticis utendum esset, v. g. alum. ust. lap. infern. &c.

### *Caries.*

Caries duplicis generis, *sicca* videlicet & *humida* a Chirurgis observata in panaritio quandoque locum occupare potest. Plurimum autem ob puris interclusionem, indeque factam erosionem, humidam observare solemus, sed cariem siccam ossa hæc quoque afficere posse, quis est qui refutabit?

(Signa.) *Siccam* adesse, noscitur ex abscessu nullo modo ad sanationem perducendo, ex  
osse

h) Tomlinson l. c. pag. 72.

i) l. c. pag. 219.

k) l. c. pag. 63.



fatis phalangibus omnibus remediis, ob metum instantis gangrænæ, præferenda est amputatio.

(*Causæ stagnationem parientes.*) Frigus calenti digito subito applicatum, contusio quæ effusionem peperit, humorum stagnationem involvunt. Præter generalia, lenia adstringentia & resolventia in usum vocari requiritur, ut humores stagnantes in humorum massam iterum propellantur. Ergo sal. ammon. in aceto solutio, herbar. aromat. infusio v. g. ex millefol. menth. &c. Liniment. volat. &c. ægro digito apponi possunt.

## CAP. XII.

*De remediis empiricis ex autoribus collectis  
& hodie usu dignis.*

His præmissis omnia sic dicta empirica remedia in classem methodicorum plane recipi possunt. Omnia hic omitto superstitiosa, characteres, stercorea &c. a veteribus laudata.

(*Remedia empirica irritationem lenientia.*)

RHAZES Olei tepidi inunctionem laudat x). CHALMETEVS ovi albumen cum oleo violato magis dolores arcere, quam narcoticum, expertus est y). FABRIC. AB AQUAPENDENTE fomentum cum aqua calida vel immersionem, ita tamen ut vix digitum attingat, laudibus effert z). RIVERIUS digi-  
tum

x) Liber divisionum cap. 137.

y) Enchirid. chirurg. cap. 36.

z) l. c. Part. I. cap. 103.

tum auri felis imposuit a). Ut balneum animale mea sententia agit, fortasse digiti in cavitates recens mactorum animalium, immersio egregiam usum præstat. THEOPHRAST. PARACELSUS anodyna, narcotica & mandragoram in usum trahere jubet b). Aqua vegeto mineralis Goulardi ab aliis commendatur. Theriaca externe applicata c). LONICERUS folia sambuci & ebuli confusa celebrat d). Paronychiæ herba a veteribus laudatur, mea opinione qua emolliens agit. FELIX PLATER succum cicutæ applicat e). TABERNAEMONTANUS rutam confusam cum theriaca permixtam & saliva jejuna ad emplastri formam redactam, suadet f). LIEUTAUD immersionem digiti in aquam calidam laudibus extollit g). HELMONTIUS cruorem cum pelle talpæ recenti digitum circumvolvere suadet; agit ut balneum animale. Muscum cum vino coctum in momento dolores sedare, si digitus ejus vaporibus exponatur & deinde apponatur, affirmat CAMPY h). HECQUET balsamum

a) Observat. centur. 4. Observ. 36.

b) l. c.

c) Hannöversch. Magazin anno 1769. 74. Stück.

d) Cap. 66.

e) l. c.

f) Lib. I. Sect. 4. cap. 31.

g) Incegrif der ganzen medicin. Praxis I. Th. 2 Band pag. 290.

h) Chirurgia parte 5. cap. 7.

num ex tabaco, cynoglossa & oleo olivarum coctum laudibus extollit i).

(*Remedia empirica contra atoniam.*) RHazes digitum in principio in nivem ponere donec obstupescat, suadet. k) CHALMETUS adstringentia cum anodynis præscribit. l) AVINCENNA in aceto calido vel aqua frigida digiti submersionem celebrat m) et alio loco camph. cum aceto & farina applicare jubet. GUIDE DE CHAULIACO acetum purum, aut cum mucilagine psyllii aut cum galla & corticibus granatorum summo-  
pere laudat. n) HIPPOCRATES gallam viridem cum aceto suadet, o) Cel. THEDENIUS aquam suam sclopetariam calefactam cum fasciatione commendat. p) Aqua vegeto mineralis Goulardi hujus loci est. Cum spiritu vini camphorato lavatio ab aliis laudibus effertur. CUBA viucam pervincam contusam præscribit.

(*Remedia empirica in humorum stagnatione.*)

FELIX PLATER pastam ex melle, farina, & pau-  
co

i) Medecine, chirurgie & pharmacie des pauvres Tom. 31. pag. 83.

k) l. c.

l) l. c.

m) Lib. 4. Fen. 7. Tract. 4. cap. 9.

n) Tract. 2. de apost. cap. 4.

o) Lib. epidem. 4.

p) Unterricht für Unterwundärzte pag. 248.

co salis applicavit. q) DIOSCORIDES radicem bryoniæ cum oleo coctam suadet. r) Ego autem succum recentem vel radicem recentem contusam præferrem. Unguentum neapolitanum corio illitum & applicatum laudatur. s) CUBA fel taurinum laudat. Aqua stillatitia sempervivi commendatur, mihi vero succus expressus præferri meretur. Succus cicutæ a PLATERO laudatur. Fomenta ex spiritu Mindereri & oleo amygdalarum a SAGARO laudibus extolluntur. t) Lixivium ex cineribus vitis paratum calidum in quo digitus submergitur a LIEUTAUDIO præscribitur. u) Omni hora duodecima cataplasma ex brassica rapa applicare jubet UNZER. x) LABAT vitellum ovorum in quo salis communis aliquid solutum fuit circa digitum per 48 horarum spatium apponere celebrat. y) AGRICOLA unguentum ex allio & asa foetida anaticas partes & aceto q. s. contus. cum album. ovor. ad consist. unguenti paratum præscribit, & toties exsiccat, renovetur. z) ANTON DE HEYDE sal volatile oleosum illinere præscribit. a)

(Post-

q) l. c.

r) Lib. 4. cap. 176.

s) Journal oeconomique.

t) l. c.

u) l. c.

x) medicinisch. Handbuch, pag. 219.

y) Itiner. american. pars 4. Tom. I. pag. 101.

z) Chirurgia parva Tract. 3. pag. 559.

a) Observationes medicæ pag. 72.



(*Postmonitum.*) Aliquando post curam *intumescentiam* digiti affecti, vel *rigiditatem* articulo-  
rum restare observamus. Tumorem restantem  
balneis tepidis curavit ALIX. b) Rigiditatem se-  
quenti modo sanavit SCHNEIDER. Quater de die  
digitum in lacte calido vaccino submersit, mane  
& vespere articulum modico calore frixit cum  
unguento ex olei thereb. Drachm. j, ol. lilior. al-  
bor. Unguent. de alth. aa. Unc. j M.f. unguent.  
c) In morbi fine semper applicentur cataplas-  
mata confortantia, vel foment. ex vino aroma-  
tico, d)

b) l. c. pag. 100.

c) l. c. pag. 12.

d) LA FAYE l. c. pag. 722.

# THESES.

## I.

*Causa phthysæos pituitosæ non est semper debilitas  
& laxitas pulmonum.*

## II.

*Paracenthesis thoracis in hydrope pectoris tuto ad-  
hiberi potest.*

## III.

*Venenum gonorrhææ venereæ indolis esse potest.*

## IV.

*Dysenteriam albam in crusta pleuritica consistere  
credo.*

## V.

*Hæmorrhoides nec sunt laudandæ nec plane reji-  
ciendæ.*

## VI.

*Usus acidorum in febribus inflammatoriis necesse-  
arius est.*

## VII.

*Pus prima sua principia ex lymphâ coagulabili  
ducere existimo.*

## VIII.

*Trepanatio cranii tam in suturis quam aliis locis  
institui potest.*

## IX.

*Nullus medicus practicus arte chirurgica carere  
potest.*

10

11

12

13

14

15

16

17

18

19

20

